

Siak Fellman.

МАХЪТВЕЕСТ

ПАСЬ-ЕВАНГЕЛИ.

САМАС.

Евангеліе отъ Матеея (на русско-лопарскомъ языкѣ), изданное Обществомъ Распространенія Библіи въ Велико-Британіи и въ другихъ странахъ.



HELSINGISSÄ.

Suomalaisen Kirjallisuuden Seuran kirjapainossa.

1878.

Handwritten scribbles at the top of the page.

MAXIMILIAN

HAAR-ERBEITEN

AMAL

Faint, illegible text block, possibly bleed-through or very light printing.

HELSINGIS

Faint text line below the main title.

1878

Махътвеест Иась-Евангели.

Вусмус алехэш.

Исус Христос, Давыд альке, Абрам альке пулдэг сане.

2. Абрам сагый Ыссаак; Ыссаак сагый Яхко; Як сагый Иуда и сонэ вильлйт;

3. Иуда сагый Фарес и Зара Фамарайн; Фарес сагый Эсром; Эсром сагый Арам;

4. Арам сагый Аминадав; Аминадав сагый Наассон; Наассон сагый Салмон;

5. Салмон сагый Вооз Рахавайн; Вооз сагый Овид Руфийн; Овид сагый Иессей;

6. Иессей сагый Давыд царэ; Давыд цар сагый Соломон Урия кашка;

7. Соломон сагый Ровоам; Ровоам сагый Авия; Авия сагый Аса;

8. Аса сагый Иосафат; Иосафат сагый Иорам; Иорам сагый Озия;

9. Озия сагый Иоафам; Иоафам сагый Ахаз; Ахаз сагый Езекия;

10. Езекия сагый Манассия; Манассия сагый Амон; Амон сагый Иосия;

11. Иосия сагый Иоаким; Иоаким сагый Иехония и сонэ вильлйт, эвтель вяхтэтмужэ Вавилонне.

12. А магъа Вавилоне вяхтэтмужест Иехония сагый Салафиил; Салафиил сагый Зоровавел;

13. Зоровавел сагый Авюд; Авюд сагый Элиаким; Элиаким сагый Азор;

14. Азор сагый Садог; Садог сагый Ахим; Ахим сагый Елүд;

15. Елүд сагый Елеазар; Елеазар сагый Матфан; Матфан сагый Яхко;

16. Як сагый Уэськ, Марь куге, кодест шэндий Исус, кохчманч Христоссен.

17. Нит лейин пук пулвдэг Абрамест Давыд райя неллимп-локь пулвдэккед; и Давыдест Вавилонэ вях-тэтмужэ райя неллимп-локь пулвдэккед; и Вавилонэ вяхтэтмужест Христосе райя неллимп-локь пулвдэккед.

18. Исус Христос шэнтмуш ляй нит: куэсь сонэ иен Марь ляй мидэханч Оаска, эвтель вяньцэттем, шилкын сон еарас Пась-вуйцест.

19. И Уэськ сонэ куй, ку ляй вуйкед, и ий тахтманч сонэ окнахтед, татай сонэ пяхтест лушьтед.

20. Ну куэсь сон тан юртель; кич, Иммель Иецкал идий сонне накрест, и цильгий: Уэськ, Давыд альк! иель пэлэ вальтем Марь, иджант кашпэг; тэн-гуэйк што ли сонэ сисн шэнтэй Пась-вуйцест.

21. Лянч сон шэнтэд альге, и тон линчих сонне сарнед нэмэ: Исус; тэн-гуэйк што сон лянч олмьйдис шестед синэ рикийн.

22. А тат пук шэндий, што лянч Имлийн сарнманч пайель пророк, ку цялхе:

23. Кич, нийт лянч еарас, и шант альк, и кочешкуэттеб сонне нэмэ Эмануил, ку лянч: миный-гуэйм Иммель.

24. Коцдай Уэськ уэтьмен и туйшешкудй мэйт сонне Иммель Иецкал пагай, и вальтй капкес.

25. И сон ий тиеттанч сонэ тэн райя, што куэсь сон путй Альге, вусмус альгес; и сон пий сонне нэмэ: Исус.

Нумпъ алххэш.

Куэсь Иус шэндій Вифліемест, Юдеест царэ Ирод пале, путтен ноайт-олмо Иерусалимма нурьтей горрен, и сарнэб:

2. Кость ли Іудей цар, ку ли шэнтманч? тэн милыт што мій уйним сонэ тасьте нурьтей альн, и пудійм сонне комьмердед.

3. Куэсь цар Ирод тан кульй, сон суркен и пук Иерусалим соныйн.

4. И сон копчій пукыйт шуремус папыйт и кирькидыйт мырест, и кэджій синест: косьт быт Христоссе шэнттед?

5. И сій сонне цилхкин: Вифліемест, Іудеест; тэн милт што нит ляй кирьханч пайель пророк:

6. И тон, Вифліем, Іудей іемне, ык ля ни-мэйн Іудей уйвійн уцмус; тэн-гуэйк што тонст поат шуремус, ку пинь мунэ мырэ Израил.

7. Танна Ирод пяхтест кочей ноайт-олмыйт и синест кэджій, што кон пале тасьт идій.

8. И вулкхт сийійт Вифліемма и цилькій: мэннед, кэччед пуремухте парне баяс; куэсь тій ковнбыттед, танна мунне сагэ түешиккед, што и мун мэнам, сунне коммердам.

9. Сій готь куллин царэст пук ди вулькин; и таль тасьт, кон сій уйнин нурьтей альн, мэній синій эвдест тэн райа, куэсь пудій и ескій тэн сае элэ, косьт ляй парьн.

10. Куэсь сій уйнин тасьте, и сій рамгуттен чевта шур рамай-гуэйм.

11. И сій сүңчун пэрхте, уйнин парне иннійнис Марыйн, и сій коммердин сунне юэлка; и оцдин еалайдис и пуэхтин сунне лайхійт: коль и ладан и смирна.

12. И куэсь сйе Иммель пакай накрест, ий мэн-нед Ирод горра маст, сий вулькин иерес вара иджес горра.

13. Ну куэсь сий вулькин: танна и Иммель иеңкал ыт накрест Оаска, и сарн: коццэ, вальт парьн и сонэ иен и поачк Египет иемня, и иель тампет тэн райя што куэсь мун тонне ым ціельк; тэн гуэйк што тахт Ирод оццед парьн майкем варас.

14. Сон коццай, вальтій парьн и сонэ иен ыкка, и вульгій Египет иемня.

15. И сон тампе ляй тэн райя, куэсь Ирод ямій; што шэнтахч сарнманч Имлийн пайель пророк, ку сарн: Египет иемнест мун кохчумь алқан.

16. Куэсь Ирод танна уйній иджес луэньманч ноайт-олмыйн, сон чевта сяндій и вулехт пукыйт парнайт коньтед Вифліемест и пук тэн иемнест, кухтед игест и тэсыт нурмійт, тэн пале мильт, кон сон кулуй ноайт-олмыйн.

17. Танна шэндій сарнманч пайель пророк Еремей, ку сарн:

18. Ин куллай Рамест, луйхкем и рякмуш и чевта кукхэллэм; Рахил луэйкх иджес парнайт, ий тат іэскед луйхкмен тэн гуэйк што сій іеб лях.

19. Маңа Ирод сорьмест, кич, Иммель иеңкал накьрест идій оаска Египет иемнест,

20. И сарн: коццэ, вальт парьн иннійнис, мэнэ Израил иемня; тэн гуэйк што яммин парьн иңк оццей.

21. Сон коццай, вальтій парьн и сонэ иен, и пудій Израил иемня.

22. Куэсь сон кулуй, што Архелай Іудеест ли царрен Ирод саест, аджес эвтель, сон пэлуй тогэ мэннем; те пагай сунне накрест Иммель (мэннед), и сон вульгій Галилей райі сыз.

23. И пудй тогэ и иелхэдий ланнест, нэммед милът Назаретест, што шэнтахч пайель пророкый сарн-мушшед милът, што сон лянч кохчъед Назаретлинчен.

Коалмант алехэш.

Тэй пйвий поат Эвван Рыстей, и сарн Иммель сагыт Iудее миедест,

2. И цялхк: кайдэттед; тэн-гуэйк што алытла ли поаттанч альм царэ-валт.

3. Тэн гуэйк што сон ли тэт, кон баяс пророк Исаия цилькй: кувхэллэй ин миедест: валмшеккед вара Шурре, туйшеккед чухкыйт сунне вуйбист.

4. Ич-ше Эвван оный аскйит верблюд сэхсмест и нахьк-поаккань пыр чоалэшмес; а шёркен сонст лейин суйн-нючкей и миехц-мит.

5. Танна Iерусалим и пук Iудей и пук иемне-коньт пыр Iордан видденин сунне,

6. И сйй рыстнэттен сонст Iордэнест и кайдэттен рикйинис.

7. Ну куэсь Эвван уйнйй иеннег фарисейед и садукейед иджес горра пуэттем рыстнэттем варас, цилькй сйе: кувд шэнтус тйй! кие тйе пакай виччед пуэттей сientмужест паго.

8. Те туешеккед кайдэтмуж анехей шантайт;

9. И иеллед юрьтед сарнед ичсант: ачь минест ли Абрам; тэн милът што мун сарнам тйе, што Иммель оай тайн кидгийн паяс пайнестед парнайт Абрама.

10. Уже и акш ор мурйй манткйин: юккэ мур, ку ий путь шиг шантайт, чухпьеб и суэхпьеб толле.

11. Мун рыстам тиньйт чадзест кайдэтмушше; ну ли мунэ милът пуэттей самьямп муннэд; мун ым анехт куньтед сонэ камгйит; сон рыстлешкоат тинйит Пась-вуйцсйин и толынн.

12. Сонэ коайв ли кидест сонст и сон чилк и-джес яв-сіемен-таккэм-пэрт, и копч пшеницес айхта, а яв-шэнтэм суйн сон поалт чацгнахтем толыин.

13. Танна поат Исус Галилеест Иордане, Эвван горра, рыстнэттед сонст.

14. Эвван же тульсэлый сонэ, и сарнай: мынне быт рыстнэттед тонст, и тонна мынне поадах?

15. А Исус цилькый сонне вуэста: куде ать нит; тэн гүэйк што нит мйе шіехт туйшед юкке вуйкедвудэ. Танна Эвван луэшт сонэ.

16. И рыстнэтманч Исус вактыньне чадзест вййдій; и кич, альме сонне авнын, и уйнйй Эвван Иммель вуйңас, ку вуэлас пудій, готь колупь, и сонэ элэ ний.

17. И кич, сарнешкудйй альмйин ин: Тат ли мунэ шабьшем альк, ку ли мунэ иңкед милът.

Няльлянт алххэш.

Танна лйй Исус выкманч вуйңсин міехц-пайхка, кихчлем варас цуэртест.

2. И куэсь сон пазьхйй нйель-логе пйейвед и нйель-логе ййед нялгешкудйй маңемуссе.

3. И пудйй кихчлей сонне, и цилькый: буди тон Иммель альк, цйельк што лехчин тае кйедге лйейпен.

4. Сон же цилькый сонне вуэста: ли кйрхчанч: йй линче эвтын лййбин йеллед олмунч, а юкке санйин, ку вййт Иммель няльмест.

5. Маңа вест валт сонэ цуэрхт пась-ланна и цйеңгахт сонэ цйерьков ладв элэ,

6. И сарн сонне: буди тон линчих Иммель альк, суэхпед вуэлас; тэн гүэйк што ли кйрхчанч: сон пахк иджес иеңклийт тонэ варас, и сйй куньтешкуэттеб тонэ кидййдис альн, ык тон куське кядка юльгййнант.

7. Исус цилькый сонне: ли кирьханч нит-же: иель тон кихчель Шурэ, иджант Иммель.

8. Васыт валт сонэ цуэрхт и вык чевта эд тиерьм элэ, и вуэзхал сонне пукыйт тан альме цар-иёмнийт и синэ славе.

9. И сарн сонне: мун пук тэ-лайте тонне антам, буде коммеринчих мынне юэлка.

10. Танна Исус сонне сарн: уйт мунст иерс зайя, сахтан; тэн гүэйк што ли кирьханч: Шурре, тонэ Иммля коммэрдэл и эвт сонне служэ.

11. Танна куэт сонэ цуэрхт; и кич иефкал путтин сонэ горра и слушшин сонне.

12. Куэсь Исус кулуй, Эвван ли антанч орремсайя, сон мэный Галилейя.

13. И сон куэсь кудий Назарет, пудий и иеллешкудий Капернаумест, мьер-рынтест, Завулон и Неффалим рай сизн.

14. Што шэнтахч сарнманч пайель пророк Исаяя, ку сарн:

15. Завулон иёмне и Неффалим иёмне мьер кяйн альн Йордан түккен, рыстнахтем Галилей,

16. Мыр оррей сиевндэзест, уйний шур чувэ и сорьм иёмнест и кэпест орэйт чуввед шэнтій.

17. Теде палест Исус сарнашгудий Иммель сагыит и ціелькешгудий: кайдэттед, тэн гүэйк што альм царвалт альтля пудий.

18. Куэсь сон мэный альт Галилей мьерред, сон уйний кухт вильле, Сымман, кохчма Шедрен, и Уэньтрей сонэ вильле саймийт потьмен мьерре; тэн гүэйк што сонай лейин куль-шилей.

19. I сарн сїе, што пуэттед мунэ милыт и мун тинийт туешам олмунч-шиллен.

20. Сїй вактиньне куттен саймїйдис и вулькин сонэ милыт.

21. Куэсь сон вульгій тест эвдэс, уйнй сон нумбе кухт вильлинч, Яхко Зеведей альге и Эвван сонэ вильле вэнсест эджийнис Зеведейн, чыхтем саймйдис, и коччай синййт.

22. И сій ваكتиньне куттен вэнсес и аджес и вулькии сонэ милът.

23. I воттэдий Исус пук Галилей милът, уэпест синный синагогийн, сарнай цар-валд Евангели и лыццйй юкке кэбэ и юкке уэйнахтемвудэ олмуйн.

24. И мэний сонэ баяс сак пук Сирей милът; и пуэхтиш сонне пукыйт кэблайт, койн лейин юккеналшем кэбэ и уэйнахтемвудэ, и вуррей олмыйт и ман-кэблайт, и самхемес-кэблайт, и сон лыццйй синййт.

25. И вульгій сонэ милът иеннэг олмнеттед Галилеест и логелань-иеннест и Иерусалимест и Иудеест и Иордан туккен.

Выдант алкхэш.

Куэсь сон уйнй олмыйт, сон мэный тиерме элэ; и куэсь сон ыштый, пугтин сонне сонэ уэнсувэе.

2. И сон аведь иджес няльме, уэпесть синййт, сарнай:

3. Оазлэж тэк lieb, кук lieb вайваш ицкййнис; тэн гуэйк што сннэ ли альме цар-валт.

4. Оазлэж lieb луйкей; тэн гуэйк што сйй iэскеб.

5. Оазлэж тэк lieb, кук lieb суэне; тэн гуэйк што сйе кутьед лянч иемне.

6. Оазлэж тэк lieb, кук lieb вуйкедвудэ нельгест и кошгест; тэн гуэйк што сйй линчин калнанч.

7. Оазлэж lieb тэк, кук lieb лавьдес олмо; сйе лянч лавьдесвут.

8. Оазлэж тэк lieb, кук lieb кутькййнис пухтас; сйй линчин уйнед Иммель.

9. Оазлэж мырдэттей lieb; линчин сій сарнманч Иммель альбен.

10. Оазлэж тэк lieb, кук lieb вуэханч iere сайя вуйкедвудэ гүэйк: синэ ли альм-царство.

11. Оазлэж тій lieппед, куэсь тинийт линчиш санийн чүдзхэллэд и вуехед и юккеналла виере саний-гүэйм тинийт виерхэллэд мунэ гүэйк.

12. Рампэттед и виеслушпед; тэн гүэйк што шу-рэ lieb тинест лайхе альмест: нит вуехиш и пророкййт, кук лейин эвтель тинэ.

13. Тій lieппед iемней суль. Буди суль кадхинч самайдис, мыйн сонэ туйшах суэллэй? Сон уже ни коз ий анехт, а што суэхпьед сонэ олгус олмыйт пайель ваньцем налла.

14. Тій lieппед тан альме чув. Ий уэй кахтьед лань, чуэнчей тиерм альн.

15. И пуэлханч тувас асьте вуэлла ий циепкхувэ, а циепкхув тувас юльг элэ, и чуэв пукййт пэртест.

16. Нит ань чуэв тинэ чув олмый эвдест, што сій уйнчин тинэ шиг туййт, и китчин тинэ альм-адже.

17. Иеллед юрьтед што мун путтим сиегхед закон или пророкййт: мун ым сиегхед поаттанч, а тиевтед путтим.

18. Вуйкест мун тие сарнам: кон ий чаде альм и iемне, ий ни эхт юта или ни эхт цякас пудэ законест, эвтель кон ий тьявто пук.

19. И тадэ милыт, кие сиегахт эвт тайн уцмус пахкмужийн и уэпест олмыйт нит; тэт лянч кохчманч уцмуссен альм-царствасьт: а кие тайт туяшт и уэпест, тэт лянч цялхеманч шуррен альм-царстваст.

20. Тасьт-го мун тие сарнам: буди тинэ вуйкедвут ий линче iенамп кирькидй и фарисей вуйкедвутед, iеппед линче мэннод альм-царство.

21. Тий кулуйт, што лый цялхганч поарсїйт: іель коньт; кіе конт, тэт лянч антанч судэ вуэлла.

22. А мун цялкам тїе, юкке сїентней вильлес элэ пусьтїйт, лянч антанч судэ вуэлла; а кіе цялхк вильлис: рака, лянч антанч синедріон вуэлла; а кіе цялхк: мїелхемес, лянч антанч тол-атту.

23. Нит, буди тон путтах иджант лайх волтра, и тампе муштьях, што тонэ виль юрт тонэ вуэста мьїт-ни;

24. Кудэ тогэ лайхант волтар эвте и мэнэ, эвтель мырдэд вильїйнант, и танна пуэдэ, путь лайхант.

25. Мырдэд пакьїйнант вагтамц, кон тон соньїн лях варэст вял, што тоньїн паккэй їй антчи тонэ судья, а судь їй антчи тонэ слушья и тонэ їет ышт-хехчиш турма.

26. Вуйкест тонне сарнам: тон тампет ык піезь; кун тон ык аньт маџемус тьяҕне.

27. Тий кулуйт што лый сарнманч поарсїйт: іель туешт блудэ.

28. А мун тїе цялкам: кіе кяхч ызан-олмо элэ тахтмужїйнис, сон уже ряхктувуй соньїн куткїйнис.

29. Буди тонэ уэльгис-піель чальм тонэ вык ряхка; рутте сонэ мянда и суэхпе иджесант паго: тэн-гуэйк што пурамп лянч тонне, што тонст эхт рувь майкьяхч, а ї лихче пук тонэ роҕкь суэхпьянч атто.

30. Ї буди тонэ уэльгис-піель кит тонэ вык ряхка; чуп сонэ іерс сайя, и суэхпе иджесант; тэн гуэйк што лянч пурамп тонне што майкьяхч эхт рувь тонст а їй пук лихче тонэ роҕкь суэхпьянч атто.

31. Цялхганч ли нит-же, што буди кіе раткьїнч иджес капгест, ань ант сонне раткьєм-кїрь.

32. А мун цялкам тїе: кіе раткаїй капгестес іерес віерасвудэ іеґчен, мэн блудэ гуэйк, сон вык сонэ

блудэ туэйя; и кіе найхтлат ратканч капге, тэт туяшт блудэ.

33. Вяль тій кулуйт, цялхканч ляй поарсійт: іель мэнэ пайель Иммель-сане, а тіевт иджант Иммель-сане Иммель эвдест.

34. А мун цялкам тіе: іель кліендэд ни мэн віерът: ни эльмійн, тэн-гуэйк што сон ли Иммель бштем-сай;

35. Ни іемнійн, тэн-гуэйк што сонэ юльксае ліеб; ни Іерусалимійн, што сон ли шур царэ лэнь.

36. Ни уйвинант іель кліендэд, тэн-гуэйк што ык зэй ни эвт вупт туешед вилкден или чахпден.

37. А ань нит лянч тинэ сань: ли, ли, иллях, иллях; а ми ли тан элэ, тэт ли нюэзест.

38. Тій кулуйт што ляй цялхканч: чальм чальме сайя и пань пане сайя.

39. А мун тіе сарнам: іеле вуэстласът нюзійн. Ну кіе тонэ часк уэльгис-піель нирре, кавест сонне и нумпъ піель.

40. И кіе татаст тоныйн сuttэттед, и вальтед тонст пайт, аньт сонне и олгелът асгійдант.

41. І кіе тонэ вулгахт соныйн ваньцед эвт вирет, ваньц соныйн кұхт.

42. Аньт тэз, ку тонст ан, и тесът ку тонст тахт лайнас вальтед, іель коввес паго.

43. Тій кулуйт, што ляй цялхканч: шабешт иджант альдес и куньт ніене иджант пас-олмо элэ.

44. А мун цялкам тіе: шабешкед иджант пас-олмыйт, блавэсловвед кук тиныйт кордин, туйшеккед сіе пуре, кук тиныйт іеб шабешт, и коммердэлэд тэй эвтель, кук тиныйт чудзэхэллэб и выхчтеб:

45. Што шэнтчиппед альм-аджант алькен; тэн гуэйк што сон пахь пайвась пайнед пасникій альн и пурій альн, и вулхал абрь вуйк-олмый элэ и віерь-олмы й элэ.

46. Тэн милът што, буди тій алькбэттед шабшед тэйт, кук тиньйт шабшеб, ми лянч тие палькйит. Нит-же чоаңк копчей туйшеб?

47. И буди тій иельбиттед пуэрасьт эвтій виль-линт-гуэйм, мьйт тій туешепшед иерес туййт? Нит-же и рьстнахтем туешеб?

48. И нит тій куэтьеккед тивтса, кохт тинэ альм-ачь ли тивтас.

Кудант алкхэш.

Кихчед, иеллед аньтед иджант антмушійт олмый эвдест тэн гуэйк што уйнчин тиньйт; иересналла тие ий линче палькх тинэ альм-аджест.

2. Нит, куэсь тон вайваш-антмушійт антах, иель райк-мурэ чэдэ кукхэл иджант эвдест, кохт туешеб кухтла синагогьин и иэткисит, што олмо синьйт кит-чин. Вуйкест тие сарнам: сій уже вальтеб иджес пальк.

3. А тонст, куэсь тон андах вайваш-антмушійт, ань тонэ чиндж кит ий тидчи, мьйт еал уэльгис-кит;

4. Што тонэ антмужэ лихчин пйяхтест; и тонэ ачь, ку уйн пйяхт-туййт, макс тонне элмед.

5. И, куэсь коммэрдэлах, иель нит туешт, кохт кухтла, кук шабшеб иэскнед синагогьин и углийн иэтк-сій милът коммэрдэллем варас, што вусьхувчин олмый эвдест. Вуйкест тие сарнам, сій уже вальтеб иджес пальк.

6. Тон-же куэсь коммэрдэлах, мэнэ иджант пэрьхте, лохкед увсант и коммерт иджант ачча, ку ли пйяхтасьт; и тонэ ачь, ку уйн пйяхт-туе, макс тонне элмед.

7. А куэсь тій коммэрдэлбуэттед, иеллед сарнед лике сагыйт, го рьстнахтем; тэн милът што сій юрьтеб, што иенгеттед иччис саньин лянч кулманч синэ сагэ.

8. Ёллед ёллед синьй милът; тїет тинэ ачь, ми тїе быт эвтель тэн, куэсь тїй анешкуэтбеттед сонст.

9. А коммэрдэллэд нит: Минэ ачь, тон ку лях альмест! ань пазьхув тонэ нэм;

10. Ань поат тонэ царство; тонэ валт ань лянч и іемне альн кохт альмест;

11. Минэ тармьинч лейп аньт мїе тан пайвас;

12. И кудэ минэ вильгїйт, кохт и мїй куттеп вялглайдан;

13. И іель выгъ миньїт кихчлемушше, а піесът миньїт нюэзест. Тэн-гүейк што тонэ ли царство и сам и шур-нэм аьк баяс. Амин.

14. Буди тїй альгнеппед олмыйт простьед синэ рикїйт, танна и тиньїт просьтай тинэ альм-ачь.

15. А іеппед альгне простьед олмыйт синэ рикїйт, танна и тинэ ачь ій простье тїе тинэ рикїйт.

16. Нит-же куэсь тїй пазьхеппед, іеллед тіеньтед уйвидант вуэлас готь кухтла: сїй пїеб казвайдис сіевньден тэн варас што вузьхуввед олмыйт пазьхейен. Вуйкест тїе сарнам: сїй уже вальтеб палькес.

17. А куэсь тон лях пазьхемен, вуйтель оайвант и пэээ касвант;

18. Тэн гүейк што иттед пазьхейен ій олмый вара а иджант адже эвте, ку ли пайхтасьт; и тонэ ачь, ку уйн пайхт-түїйт, макс тонне элмсе.

19. Ёллед копчед иччант еалайт іемне элэ, косьт куэйхе и руст торм и косьт сул-олмо рапшэб и суэлнеб;

20. А копчед иччант еалайт алма, косьт куэйх да ни руст ій тормэ, и косьт сулло іеб раб и суэлэнт іеб.

21. Тэн милът што косьт ли тинэ еал, тампе лянч и кутье тинест.

22. Чалъм ли лишк варас түвэсен. И нит, куэсь тонэ чалъм лянч пугтес, танна лянч пук тонэ лишк чуввэд.

23. А куэсь тонэ чалъм шэнтинч нюэссен; танна лянч пук тонэ лишк севньден. И нит, куэсь чув, ку ли тонст, лянч севнедвут, маньтем лянч танна севнедвут?

24. Йй уэй ни кие слушшед кувьт шурре; или эвт йй шабэшпугэд, а нумпь алк шабэшед, или сон тэн шинешкоат, а нумпь йй альк воарьдед. Иеппед уэй слушшед Иммела и Маммона.

25. Тан милыт тйе цялкам: иеллед вулэхеккед иджант ицк гуэйк, мыйт порред и мыйт юккед, ни йй иджант роцьк варас, мэйн тэввэнэттед. Ицк ййя ля шурямп пормушшед и роцьк ййя ля шурямп асгийт?

26. Вилшхеккед альм лоньдйй элэ: сйй иеб калыды ни чуп иеб ды ни копч иеб айтййт; и тинэ альм-ачь порт синьйт. Иеппеда тйй лях чевта пурямп синьйт?

27. И ни кие тинест йй уэй иджес вулуйн лашьхед роцькес (хотя) и эвт карьцель вьерьт.

28. И асгий варас мэйт тйй вулэхешпед? Кичсеккед пьлтэ поалэй элэ, кохт сйй шэнтэб. Сйй иеб лык ни мэйт, и ни понэ иеб.

29. А тйе цялкам: и Соломон шурред славесес йй тэвнэтманч нит, готь юкьянч синест.

30. Го нит Иммель тэвнахт пьлт-разь, ку тарьм ли, а ента лянч сүэхпянч кивкна, то тинййт вьл пурямп тэвнахт, вань-вьерлайт!

31. Тэн гуэйк иеллед вулэхеккед и иеллед сарнед: ми мйе порред? или мэйн тэвнэттед?

32. Тэн гуэйк што тан пук оццеб рьстнахтем; и тэн гуэйк што тинэ альм-ачь тьет, што тйе тайт пук быт.

33. А эвтель оццед Иммель царства и сонэ вуй-кедвудэ, и тат тйе пук лянч.

34. Тэн милът иеллед вүлэхеккед ентынч пиейв варас. Тэн гуэйк што ентынч пиейв ич лянч вүлэхед иджес варас. Лянч юкке пиейвест иджес варас вүллэд.

Киччант алкхэш.

Иеллед суттед, и иешпед линче сутма.

2. Тэн гуэйк што маньтем тйи судыйн сутбэттед, тэйн судыйн и линчбэттед сутманч; и маньтем тйи мирйин мьерьдеппед, мукка мирйин и тйе мьерьдешкүэдэт.

3. И мыйт тон кичах оавса элэ, ку ли вильлянт чальмест, а омп мурэ иджант чальмест кулэ ык?

4. Или кохт цялках вильсант: орест, мун валдам оавса тонэ чальмест; а кич, тонэ чальмест ли омп мур?

5. Тон кухтланч! Вальт эвтлест омп мурэ иджант чальмест, и танна уйнах вальтед оавса вильлянт чальмест.

6. Иеллед энтлеккед пась-еалайт пиенгийт, и иеллед суэхпед иджант земчуг шегий эвте, што сий иеб топче тэйт юльгис-гуэйм и маст махцлеммен иеб кышкнехче тинийт.

7. Аннэд, и лянч тйе антанч; оццед, и ковнбеттед; тагдэттед, то и авьдет тйе.

8. Тэн-гуэйк што юкке аннэй валт, и оццэй кавн, и тагдэтыя авьдет.

9. Лийя тиний кэскест мукка олмунч, ку, куэсь сонэ альк анаст сонст лейпе, антахч сонне киедге?

10. И куэсь ансахч куде, альтнахч сонне кувдэ?

11. И нит, го тйи, кук лиешпед пак, уэйбеттед аньтед парнаидант шиг антмужийт; тэйн иенамп ант тинэ альм-ачь шикнийт тэйт, кок аннэб сонст.

12. И нит, пукыйн, қохт тахтед што олмо еаль-чин тиный-гуэймь, нит и тий іеллед синый-гуэйм; тэн-гуэйк што тэ-лайне lieb закон и пророк.

13. Мэннед тэккис увс милът; тэн гуэйк што тэт укс ли шур и тэт чуэкас ли комтэг, ку вык майкем сайя, и іеннэг вардеб тэй милът.

14. Тэн гуэйк што тэт укс ли тэккед и чуэкас ли кіеньц, кок выккеб іеллемсайя, и тед олметтед ій іеннэг ля, кок ковнеб тэйт.

15. Варьдуввед килесь-пророкыйн, кок потлеб тїе лампас-асгий-гуэйм, а сисн сїй lieb кышкей чэлл.

16. Синэ шантай милът титбеттед синыйт. Копчак тон, ык, вын-мурыйт чохкэй-мистгест или смоквайт паш-нентей разест?

17. Нит юкке шиг мур шэнтад шиг шантайт; а нюэзес мур и шэнтад нюэзес шантайт.

18. Ій уэй шиг мур пуэхтед нюэзес шантайт, и нюэзес мур пуэхтед шиг шантайт.

19. Юкке мур, ку ій путь шиг путтайт, радет и суэхпьет толле.

20. Нит синэ шантай милът титбеттед синыйт.

21. Ій юкьянч, ку сарн мунне: Господи, Господи, линче мэннед альм царства, а тэт, ку тявт мунэ альм-адже тахтмуж.

22. Іеннэг лянч мынне сарньеттед тэн пїейв: Господи, Господи! Вай мїй тонэ нэмест эвтлест айгий сарнайм? и вай мїй тонэ нэмын вуэхїйм цурьгїйт? и вай мїй тонэ нэмын іеннэг кусьтнахтем туйед туешїйм?

23. И танна мун сїе сарнам: мун ни куэсь ык тїеттанч тиныйт; мэннед іерс сайя мунст, тїй закон-хеммес туешее.

24. И нит пиям юкъя, кіе култал тэлайт мунэ сагыйт, и кіе еал синьй милът эвт-налшемен милвес олмыйн, ку тушпт пэртес павьте элэ.

25. И вульгий абрь и тивтин іогэ, и циҕкын пиҕгэ и чаввин тэн пэрт элэ, и сон іорманч ій, тэн гүэйк што сон ляй туешанч павте элэ.

26. А юкьянч кіе кул тайт мунэ сагыйт и ій туешт нит, лянч пійманч эвт-налла милҕхеммес олмыйн, ку туешт иджес пэрт вунтас элэ.

27. И вульгий абрь, и кольгдин іогэ и пиҕкын пиҕгэ, и выррин тэн пэрт элэ; сон и іорый и ляй сонэ іормуш шур.

28. И куэсь Исус лунтій тайт сагыйт, олмо див-дэттен сонэ матхемуж.

29. Тэн гүэйк што сон уэпесът синьйт кохт валт-ланч, а ій нит кохт кирькид и фарисее.

Бавцант алххэш.

Куэсь сон тиермест ний; сонэ милът пудій іеннэг олмнеттед.

2. И кич, пудій проказеной олмунч, коммэрдэлый сонне и цилькій: Господи, го тон татних, оаях мунэ путтесмахтед.

3. Исус вуйкій видес, кускый сонне, и цилькій: татам, путтесм. И сон вақтиньне путтасъм проказэст.

4. И цялхк сонне Исус: кич, ни кіез іель сіель; а мэнэ вузехт иджант пахпи, и путь лайх, кон пакай Моссей, сіе вусьхемушшен.

5. А куэсь мэный Исус Капернаума, сонне пудій чүэтсанч и анай сонст:

6. Господи! мунэ слүшшей лях куэдест луэштанч-кэбест, и кэрсинне мухцдат.

7. Исус цялхк сонне: мун поадам, тирвхадам сонэ.

8. А чүэтсанч вуэста сарнай, цилькйй: Господи! Мун ым костманч тэн райя, што тон поадчых мунэ лагэ вуэлла; а ціелькэ эвт сане, то тирвхув мунэ слушпей.

9. Тэн милт што мун лям и пакэлвэс; а анам салдхайт вуэлнан, и сарнам эхти: мэнэ, и сон вуэлк, нумпа: пуэде, и сон поатт; и иджант слушья: туешт тэн, и туяшт.

10. Го Исус тэн кұлуй, сонне вырйй тиввен, и сон цилькйй иджес милт пуэдейт: вуйкест сарнам тйе: ни Израилэст ым ковнманч мукка віерэ.

11. Сарнам тйе: іеннег поат нурьтей горрен и уэръем-піельт и комлеб (туэль гурре) Абрамын, Исакыйн и Яхкыйн альм-царствасьт;

12. А царство альге линчен суэхпманч олкмус сіевньдессе; тампеланч дүэйхкмуш и панес-гуэйм кацкмуш.

13. И цилькйй Исус чүэтсинче: мэнэ, и, кохт тон віерьих, нит и тонне лянч. И сонэ слушпей тирвхувый тэнхананч вуэрест.

14. Пудйй Исус Педар пэрхте и уйнйй сонэ вуэн-нам ліешмен пулле-кэбест.

15. И кускйй сонэ китте, и пулле-кэп кудйй сонэ. И сон коцдай и служйй сіе.

16. А готь шэнтйй іекнанч; сонне пуэхтиш іеннэг цуэрхтлинчед и сон вуехт вуйтсійт соныйн, и тирвхэт-тйй пукыйт кэблайт;

17. Што нит шэнтахч, кохт ляй сарнманч пайель пророк Исайя, ку сарн: сон вальтйй иджес элэ минэ уэйнахтмужыйт, и кунтьгудйй кэбыйт.

18. Готь уйнйй Исус пыр иджес іеннэг олмнеттед, пакай (уэпсувййт) вуйед пайель нумпъ пялла.

19. Танна эхт кыр-кит пудйй альтла и цилькйй сонне: уэпсей! мун вуэлкам тонэ милт, хош тон козэ мэнъних.

20. И цялхк сонне Исус: риннийн lieb вуэпк и альм лонгтийн lieb пиес; а олмо альгест ильлях козэ уэйвь никлахтед.

21. А нумп сонэ уэпсувыйн цилькй сонне: Господи! лухт мунэ эвтель вулькед и 'рухкед иччан адж.

22. А Исус сонне цилькй: пуэде мунэ милт и куде ямьейт чиккед иджес ямьейт.

23. И куэсь сон мэный вэнсе; сонэ милт вулькин сонэ уэпсуввей.

24. И кич, танна шэнтй шур шэп мьересът, нит што пайель вэннас мэнин нэмп; а сон удй.

25. Танна сонэ уэпсуввей путтен сонне, цовьнин сонэ и цилхкин: Господи! пиесът миныйт, майкьеш-кудим.

26. Сарн сон: мэйт тй мукка лешпед пэлч, вань-вьерла? Тедэ раест сон коцдай, кильтй пилкыйт и мьерэ, и шэнтй шур куэльхк.

27. А олмо тэвтушшин и цилхкин: кие тэ-лахте, го шилгэ и мьер якхэллэб сонэ?

28. И куэсь сон нумп нялла пудй, Гергесин иемня; путтин сонне вуэста кухт цуэрхтла, руфыйн лихтма, чевта кутькеш, нит што ий тустма тапк вардед ни кие.

29. И кич, сй куехэлшкуттин: ми ли тонст туйт минэ варас, Исус, Иммель альк? Путтих тигэ эвтлест айкй мухцед миныйт.

30. А синест кухкен пиньниш шаккед шур чуццо.

31. И цуэрт аннун сонст: го тон вуехинчих миныйт, то вулгэшт миныйт шакь-чуцья.

32. И сон цилькй сйе; мэннед. И сй лихтин и вулькин шакь-чуцья. И кич, пук шакь-чуэдзе суэхпэдий пацк-саест мьерре, и майкын часса.

33. А пиннее вичлин; и куэсь сій пүттин ланна, сарнун пук туге и тэн лык, кохт цуэрхтлай туге шэнтій.

34. И кич, пук лань видій вуэста Исусе; и готъ уйнин сонэ, аннун, што сон вуэлгахч синэ іемнест паго.

Авцант алкхэш.

Танна сон мэный вэнсе, вулькій маст пайель и пудій ланнась.

2. И кичъ, пухтиш сонне луэштанс лавве кэбла, ку ляй пійманч тулье альн. И готъ Исус уйний синэ вирэ, сон цилкій кэблинче: тон лехчих ровас, парнням! куэтьеб тунне тонэ ріекъ.

3. Тан пале куэ ля койн кирь-кидыйн цилхкин иччис: сон Иммель лайхт.

4. А го Исус уйний синэ юртгійт, цилькій: мэн гуэйк тій юрѳбеттед нюэзес юртгійт иджант кутъебест?

5. Тэн гуэйк што ми ли кіехсамп ціелхкед: куэтьеб тонэ ріекъ, или ціелхкед: коццо, воттэд?

6. А што тій тіедчиппед што олмо альгест ли валт іемней альн рикійт куттед (танна сарн кэблинче:) коццо, вальт иджант тулле, и мэнэ коатсант.

7. И сон коцдай, вальдій иджес тулле, и вулькій коаттась.

8. Олмо кохт сій уйнин тэн, тэвтүшшин и кихтин Иммель, ку ляй антанч олмыйт мука валт.

9. Куэсь Исус туге горрен воттэдый, сон уйний олмо ормен и пошлин копчмен, нэммед милът Махътвей, и сарн сунне: пүэде мунэ милът. И сон коцдай и вулгій сонэ милът.

10. И куэсь Исус ыштей порред пэртест; іеннэг мыттаред и ряклинчед пудій, и ыштнин соныйн и сонэ уэпсувбій-гуэйм.

11. Ко Фарисее тэн уйнин, сій цилхкин сонэ уэпсувыйт: мэн гуэйк тинэ уэпсей пор и юк мыттарый-гуэйм и ряклай-гуэйм?

12. Исус тан кулуй и сіе цилькій: тирвас олмыйт пурьнее ій бидэ, а кэп-олмыйт.

13. Мэннед, уэпсуввед, ми тат ли: лавведвудэ татам. а ым тат лайхійт. Тэн-гуэйк што мун путтим кохчед ым вуйк олмыйт а ряклайт кайдэттем варас.

14. Танна пүэттеб сунне Эвван уэпсуввэе, и сарнеб: мэн варас мій и фарисее пазьхеп іеннэг, а тонэ уэпсуввэе іеб пазехт?

15. И цилькій сіе Исус: уэйеб вай іеб пядлүшпед найм-куэде альгь, кон синій гуэйм ли вунтем? А пүэттеб шейве, куэсь синест аньсет вунтем, и танна алькеб пазьхед.

16. И ни кіе ій туң уэмь ассэг паштьнахтем лійнійн; тэн-гуэйк што оттест туңманч кыше уэмь асгест и райк вял шурамп лянч.

17. И нит-же іет валлу вэрс вине уэмь віерц сызэ; а іерес налла уэйеб віерц кышеьед, и вин пук колк, и віерц пук тормьеб. А вэрс вин валэт от віерцій сызэ, и кухту линчин чабэн.

18. Куэсь сон сіе тан сарнай, пудій сунне шур олмунч, коммэрдэлый сунне и цилькій: мунэ нійт ать ямешкудій; а пүэде, шій сонэ элэ кидант, сон лянч іелмен.

19. Коцдай Исус, вульгій сонэ милыт и сонэ уэпсуввэе.

20. И кич, нызан-олмунч, ку лай кухтемплоче иккед пуцмен вэр-колкмужест, пудій сіельг-біелыт и кускый сонэ азь-равна.

21. Тэн гуэйк што сон сарнай иджес варас: што кускнем сонэ асьгыйт, то танна мун тирвхувам.

22. А Исус коввис, уйнй сонэ и цилькй: иеле равсиньне, нйтням! тонэ вёр тонэ пистйй. И нызан-олмунч теде вуэрест шэндый тирвас.

23. И готь Исус пудй шур олмо пэрхте и уйнй нюрее нюргем-мурыйн и олмыйт суэхидэттем;

24. Цилькй сйе: лихтед олгус; тэн гуэйк што йй яманч нйт, а оат. И сйй дуннюн сонэ.

25. А куэсь лйин олмо вулханч; сон мэный сызэ, вальтйй сонэ кидест, и нйт коцдай.

26. И вульгйй саф тэн баяс пук тэн иемне милът.

27. Куэсь мэный туде горрен; сонэ милът пугтин кухт чальмхеммес и кукхэллин: лихчих мйе лаввед, Исус Давыд альк!

28. А куэсь сон пудй пэрхте; чальмхеммес пугтен сунне. И сарн сйе Исус: оскбеттед, иеппед, што мун оаям тэйт туешед? Сйй сарнеб сунне: оскеп, Гоподи!

29. Танна сон кускйй синэ чельмййт, и цилькй: тинэ вирэ милът и лянч тйе.

30. И авнин синэ чальме; и Исус цилькйй кэрсинне сйе: кихчед, што ни кие йй тиедче.

31. А сйй го лихтен, вулкхен саг пук тэн иемне милът.

32. А куэсь сйй вулькин; танна пухтиш сунне нюхчмахтем олмо, цуэрхтла.

33. И, куэсь цуэрхт ляй вуеханч, нюхчмахтем альгйй сарнед. И олмо тэвтэжэшгугтин, цилхкин: йй линч ни куэсь мука ытмуш Израйлэст.

34. А Фарисее сарнун: сон вуехал цурьтййт цурьтйй шуремузэ самай-гуэйм.

35. И воттэдый Исус пугый лэннйй и сидый милът, уэпесът синэ синагогыйн, сарнинт царства Евангели и тирвхэттйй юкке кэбест и уэйнахтемвудест олмыйт.

36. Готь сон уйнйй иеннэг олмнеттед, сон ша-

лпшт синьйт, што сій лійин висманч и пидкнанч, готь лампас, койн ій лях пиннее.

37. Танна сарн иджис уэпсуврийт: лейп-суйнед іеннэг, а чупьеттед ванас.

38. Тэн гүэйк аннэд яв-суйній хозьине, што сон вулкахач чупыйт иджес яв-суйнійт.

Логант алкхэш.

И сон коччай иджис кухтемп-локь уэпсувьеттед, и эньтій валт торхемас вуйтсий элэ, синьйт вуехем варас, и лэхцед юкке кэбэ и юкке уэйнахтемвудэ.

2. А тэк ліб кухтемп-локкед апостолыйн нэмэ: вусмус Сымман, кохчманч Пиедрен, и Уэньтрей, сонэ виль, Як Зеведее альк, и Эвван сонэ виль,

3. Иллип и Варфоломей, Фом и мыттар Махьтвей, Як Альфее альк и Леввей, кохчманч Фадіен.

4. Сымман Кананит и Иуда Искариот, ку и эньтій сонэ.

5. Тайт кухтемп-логе вулхехт Исус, кильтій синьйт и сарнай: тій іеллед мэннед тортмас олмыйт варе милыт и іеллед мэннед Самара ланна.

6. А мэннед эвтель Израил пэрт катманч лампсий горра.

7. И куэсь тій воттэдбеттед, сарнед, што альм царство пудій альтла.

8. Кэп-олмыйт лэхцед, проказ-кэблайт путтесмахтед, ям-олмыйт еалхеккед, цуртійт вуехеккед. Уэсьтханна вальтійт, уэсьтханна и аньтед.

9. Іеллед вальтед милдант ни колле, ни сылб, [ни вешке, ни поакнійдант,

10. Ни вуссийт варро, ни кухт ассэг, ни камгыйт, ни суэмпь. Тэн гүэйк што туешей олмунч аняхт портеммушше.

11. Кон тій ланна или сійте мэнбэттед, кэччед, кие таде пайкест ли анехей, и того куэтьбеккед тэн райя, кон тій вульг іешпед.

12. А куэсь тій мэнбеттед пэрхте, тирвхэттед соныйн, сарнед: мыр тан пэрхте.

13. И готь тат пэрхт лянч анехей, танна поат тинэ мыр сонэ элэ: а ій линче анехей, танна тинэ мыр коввас тіе маст.

14. А готь кие тиныйт ій вальтне и ій култлинче тинэ сагыт; танна лихтед тэн пэртест или ланнест и пуштед юлькйдант вунтсест.

15. Вуйкест тіе сарнам: кіехисамп лянч Содам и Гоморра іемня суг-іейвест, мэн тэн ланна.

16. Кич, мун вулхэлам тиныйт го ламсійт кэске чэлпый: и нит лехбеттед юртей готь кувдэ, и мальк-хеммес-иңгэ, го голубе.

17. А варедуввед олмыйн; сій линчин аньтед тиныйт сугтэттем сэйт, и иджис синагогыйн тиныйт кубэшкүэттеб.

18. И линчин выккед тиныйт шур олмыйт и царыйт мунэ гуэйк, уэпесвудэ гіеччен синый и тортмэзый эвдест.

19. А куэсь тиныйт аньтешкүедет; іеллед пядлуж, кохт или мэйт ціелхкед; тэн гуэйк што тэн пале антанч лянч тіе, мэйт ціелхкед.

20. Тэн гуэйк што іешпед тій линче сарнед, а тинэ адже вуйңас лянч сарнед тиный сисн.

21. А виль ант виллес сорма, и ачь альгес; и вулькеб парна иджес шэнтаей элэ, и ямьтеб синыйт.

22. И пук куньтешкүедет тиный элэ ніене мунэ нэмэ гуэйк; а ку кирший кіедже райя, лянч пястанч.

23. А куэсь альгет вуехед тиный эхтед ланнест; виччед нумп ланна. Вуйгест тіе сарнам: іешпед кир-

кен Израил лэннйн пыр мэннед, а готь поат олмо парьн.

24. Уэпсуввэй илля шурымп уэпсейед, и слушшей ий шурымп иджес шурред.

25. Лянч уэпсувья, готь сон лехч уэпсейийнис эвт налла, и слущья, гот сон лехч иджес шурыйн эвт налла. Готь пэрт хозьин кочсиш веельзевулын; тэн вял чувтамп нэмсэлет сонэ куэтлайт.

26. Нит, иеллед пэллэд синийн: илля ни ми пяйхт-туйт, ку рихчыхчи ий, и чикьювма илля ни ми, ку ий лихчи тиетанч.

27. Мэн сарнам тийе сиевндэзест, тэн сарнэд чувэ бале; и мэйт пялля кулбеттед, сарнед лагый альн.

28. И иеллед пэллэд тэйн, кок роҕкь коньтеб, и иҕк иеб уэй коньтед; а пэллэд иенамп тесът, ку оай и иҕк и роҕкь майкед адест.

29. Вай микъеб кухт уць лонта эвт мив тяҕга вуэста? И ий иор ни эхт синест иемня тинэ аджь пакханна.

30. А тинест и вупт уэйвест пук lieb логманч.

31. I иеллед пэллэд: тий lieпшед пурямп иеннэг уць лоньтнеттед.

32. Нит юкья, кіе мунэ томтсал олмый эвдест, тэн и мун томтсэлам иччан альм аджь эвдест.

33. А кіе пяхтэдинч мунест олмый эвдест, сонст и мун пяхтэдам альм аччан эвдест.

34. Иеллед юрьетед, што мун путтим пухтед мырэ иемне элэ; ым поаттанч мырэ пухтед, а мик.

35. Тэн гуэйк што мун путтим олмо ратькед аджесес паго, и нийд иенсес, и маҕе вуэнместес.

36. И вуэстлинчен олмне линчен иджес куэтла.

37. Кіе шабашт аджес или иеннес иенамп муннэд, ий анехт мунэ эвдест; и кіе шабашт альгес, или нийдес иенамп муннэд, ий анехт мунэ эвдест.

38. И кие ий валт рыстес, и ий вульк минэ милт; тэт ий анехт мынне.

39. Ку иткэсь варед, кадахт сонэ; а ку кадехт иткэсь мунэ гуэйк, пинь сонэ.

40. Кие тиньйт валт, и валт и мунэ; а кие валт мунэ, и тэн валт, ку мунэ вулгехт.

41. Кие валт пророк, пророк нымме, сонне лянч пророк лайхмуш; и кие валт вуйколмо, вуйк олмо нымест, сонне линчин вуйк олмо лайхе.

42. И кие югахт эвт тайн уцьхайн эвтийн напийн кэлм чадзе, уэпсуввэе нымест; вуйкест тие сарнам, ий кадахт иджес лайхийт.

Эхтэмплогант аьхэш.

И куэсь Исус іэскій иджес кухтемп-логе уэпсувбеттед матьхеммен; вульгій томпе нумпъ сайя уэпсед и сарнед синэ лэннийн.

2. А Эвван, куэсь сон сівенис саест кульй Христоз туййт, вулгехт куэхтас иджес уэпсувбийн,

3. Ціельхкед сонне: Тон лях, али ык, ку быт пуэттед, вай мйе быт нумпъ вурьтед?

4. Цилькій сйе Исус вуэста: мэннед, ціельхкед Эвне, мэйт кулбеттед и уйнбеттед.

5. Чальмхеммес шэнтеб уйньен и лэхкэж ваньцеб, проказ-кэбла путтесмеб и кулнахтем кулэшкүэттеб, ям-олмо еалсэлэб и вайван сарнеб шиг сагыйт.

6. И тэт ли оазлэс, ку ий линче мунэ баяс вірханч.

7. Ну куэсь сй вулькин, Исус альгій сарнед олмыйт Эвван баяс: мэйт тій вардйит пусьт саест кихчмен? Вай олксуйн, пиңгын лыкхэллэм.

8. Вай мэйт вардйит кихчмен? Вай олмо, тэвнах-танч суппис асгий-гүэйм? Кок аннеб суппис аспйит, ливтьеб царэ шур пэртйин.

9. Вай мэйт вардйит кихчмен? Вай пророк? Да, сарнам тйе, и шурым пророккед.

10. Тэн милът што сон ли тэт, кон варас ли кирь-ханч: кич, Мун вулхэлэм иччан иеңкал Тонэ касв эвте, ку валмашт тонэ варэ тонэ эвте.

11. Вуйкест сарнам тйе: нызан-олмьин шэнтыйн ий чуэнчланч ни кие шурым Эвван рыстьеттед; а уць-мус альм царствест ли шурым соннед.

12. А Эвван рыстее шйвийн тан райя альм царства валтай самай-гүэйм, и кок аннеб самайдис, ротьеб сонэ.

13. Тэн гүэйк што цук пророк и закон сарнун эвтель Эвван райя.

14. И готь тй татнишпед вальтед, сон ли Илле, воз бидй пуэттед.

15. Кiest леб пиелле куллэд, ань кул!

16. А киейн мун пиям тан пулвдэг эвт налла? Сон ли эвт налла парнай гүэйм, кок орреб iэткест и ковсеб иджес товружй горра,

17. И сарнеб: мй тйе нюргайм нюркем-мурыйн, и тй иешпед сирманч: мй лавлэм тйе пядлушшем лавлайт, и тй иешпед рякманч.

18. Тэн милът што пудй Эвван, ий порэ да ни югэ ий; и сарнет: сонэ сисн ли цуэрьхт.

19. Пудй олмо парьн, пор и юк; и сарнет: кич тат олмунч, ку пор и юк вине, мыттарй и ряклай томдас олмунч. И миллэввут ли вуйкьянч иджес парнай-гүэйм.

20. Танна сон альгий сиевтед лэннийт, койн ляй сонэ саммед иенамп вузеханч, тэн гүэйк, што сй иеб вайдэтманч.

21. Ньюсь тонне лянч, Хоразин! нюэсь тонне Вифсайда! Тэн гуэйк што готь Тирест и Сидонест вусеханс лихчин самэ, кок lieb тинест вузеханч, то тула сій ликкус кайдэтманч вьерційн и куныйн.

22. А тйе сарнам: Тирре и Сидона кіехсамп лянч суттем пиейвест, готь тйе.

23. И тон Капернаум, ку лях пайнанч альм райя, тон іорах вэлас ад райя; тэн милът што, го ликкус Содонест вузханч самэ, кок lieb вузханч тонэ сисн то сон кутьянч лихч тармьенч пиейве райя.

24. А сарнам тйе, Содом іемня лянч кіехсамп, го тонне.

25. Тэн пале Исус вялэ сарнай и цилькйі: Тонэ киттам, Аччан, альмест и іемнест шуремус! готь Тон тан пихтих милъвійн и юрьтыйн, и вузъхих тэн уцъ парнайт.

26. Нит, Аджням! тэн гуэйк што нит ляй тонэ шиг тахтмуш.

27. Пук ли антанч Мынне Мунэ Аджест, и ни кіе ій тид альг, іерес го ачъ; и аджъ ій тид ни кіе іерес го альк, и кіез тахт альк вузъхед.

28. Пуэттед мынне пук туйла и лоссис куньдее, и мун вуэндам тиныйт.

29. Вальтед мунэ кяссас иджант чапхе, и уэпсув-вед мунст: тэн гуэйк што мун лям лаввед и суэн кутъ-кййнан; и ковнбеттед шиг еалмуж иджант иікыйт.

30. Тон гуэйк што мунэ кяссас ли шиг и нуэть мунэ ли кіеппис.

Кухтэмцлогант алкхэш.

Тэн пале мэный Исус пайель калванч пяддэ сувет; а сонэ уэпсуввэе лйин нялеманч и альбен кышкед сүйн-ладвййт и поррэд.

2. Фарисее куэсь сій уйнин тэн, цилхкин сонне: кич, тонэ уэпсуввэе туешоб тэн, мэн ий шит туешед сувет.

3. И сон цилькйй сйе: вай тйй иеппед локманч, мэйт туишт Давыд, куэсь сон лйй нялкманч ич и тэк, кок лйин соныйн эвтест?

4. Кохт сон мэный Иммель пэрьхте и порый вузьхем лййбййт, койт ий быттанч сонне поррэд ни тэйт, кок лйин соныйн, а эвтыйт папыйт?

5. Или тйй иеппед локманч закнест, што сувхйй милът пап цёрьквест иеллеб сувет вуэста, пай-ше сйй иеб лях вйере?

6. Ну сарнам тйе, тасът ли тэт, ку ли шурамч цёрькветтед.

7. Го тйй тидчиппед, ми тат ли: лавведвудэ татам, а ым лайхййт, то иеппед вйерехчбеттед вйерьхеммес.

8. Тэн гуэйк што олмо альк ли шур суввет альн.

9. I куэсь сон вульгйй тампет, мэный сон синэ синагокке.

10. I кич, тампе лйй олмунч, кон олмусть лйй кошк кит; и кэччиш Исусест, сонэ вйерьхеме варас: оай, ий лэхцед сувхййн?

11. Ну сон цилькйй сйе: кйе тиенест, кйест ли эхт лампес, готь сон суввет иор авта, ий валът ди ни кйезь ий сонэ?

12. А мэн вйерът ли олмунч пурямч лампсеттед! I нит оай сувхйй милът туешед пуре.

13. Танна сон сарн тэн олмне: вуйке иджант кидэ; и сон вуйгйй, и шэндйй кит тирвас готь нумшь.

14. А Фарисее лихтин олгус и кэскнис юртын сонэ вуэста, кохт сонэ майкед. А Исус тидист и вульгйй томпе.

15. Сонэ милът вулгій іеннэг олмнеттед и сон тирвхэттій синійт пук.

16. И вильдій синійт сарнмен Иджес баяс.

17. Што лянч нит готь ли сарнманч пайель про-
рок Исайя, ку сарн:

18. Клич, мунэ пахкем-парьн, кон валшим, шаб-
шанч мунэ парьн, коз мунэ инк аяст пурійт. Мун
пиям иччан вуйҕас сонэ элэ, и сон туяшт сагэ судэ
баяс олмыйт.

19. Сон ій сарн вуэста ни кукхэл ій, и ни кіе
ій кулэ іэтксійн сонэ инэ.

20. Кэскмурьтем суйне сон ій мурд, и сув-пилвсійт
сон ій часкед, кон ій путь оайхтмуҕ сутте.

21. И сонэ нэмме олмо, оскешгуэштеб.

22. Танна пухтиш сонне цуэрхтла чальмхем и
нюхчахтем; и тирвхэттій сонэ, нит што чальмхем и
нюхчахтем альгій сарнед и уйнед.

23. И тывтүшшин пук олмо и сарнун: вае тат
ли Христос, Давыд альк?

24. А Фариссе кұэсь сій куллин тан, цилхкин:
сон ій вуехт цурьтійт іерес налла го віельзевул, цурь-
тій шуремуз самай-гуэйм.

25. А Исус, ку тидій синэ юрткійт, цилькій сіе:
юккє царства, ку раткый ичнис, лянч курас; и юккє
лэн или пэрхт, ку раткый ичнис, ій линче чуэнчед.

26. И готь сатана сатана вуяхт, сон раткый ич-
нис: кохт танна чуэнч сонэ царства?

27. И готь мун віельзевулэ самай-гуэйм вуехам
цурьтійт, то тинэ альге кіен сій самай-гуэйм вуехеб?
Тэн милът сій линчин тіе судьен.

28. А го мун Иммель вүҕсійн вуехам цурьтійт,
то танна пудій тіе Иммель царства.

29. Или, кохт оай кіе мәннед самъес олмо пәрхте и сонэ еалайт вальтед, готь эвтель ій кор сам-олмо? и танна анест сонэ пәрхт-сиску.

30. Кіе ій лях муныйн, тэт ло мунэ вуэста, и кіе ій копч муныйн, тэт пидгай.

31. Тад милът сарнам тіе: юкке ріехк и лайхтмуш куэтьеб олмыйт; а лайхмуш вуйҕас вуэста ій линче куэттанч олмыйт.

32. Кіе цялхэ сане олмо альг элэ; куэтьеб сонне тэк ріек; а кіе цялхэ Пась-вуйҕас элэ, тэк ріек іеб линче куэттанч ни таде альмест ни туде.

33. Или тан мурэ локбеттед шиг муррэн и сонэ шантайт шикнен; или локбеттед мурэ нюэссен и сонэ шантайт нюэссен; тэн гуэйк што мур тидет шантай милът.

34. Кувдэ шэнтус: кохт тій уэйбеттед сарнед шиг сагыт, го тій ліешед пак? Тэн гуэйк што кутъеб тивдасвудест няльм сарн.

35. Шиг олмунч похт шиг еалайн шикнійт; и нюэзес олмунч похт нюзійт нюэзес еалайн.

36. А тіе сарнам: юкке пусът санест, кон ціелкеб олмо, сій аньтеб сане вуэста судэ шіейве.

37. Иджант сагыйн вуйкдужах и иджант сагыйн линчих віеръхувма.

38. Танна куэ-ля-кок кирь-кидійн и фарисейн цілхкин: Уэпсей! Татчип мій тонст уйнед вузьхемуж.

39. А сон цількій сіе вуэста: нюэзес и ріехтуешей пулвдэк оц вузьхемуж, и ій антэд сонне іерес вузьхемуш, го пророк Іона вузьхемуш.

40. Готь Іона ляй валлас човье сисн колм шіейве и колм іе, нит и олмо алье лянч іемне кутъкест колм шіейве и колм іе.

41. Ниневитла коццэллэб судэ варас тайн пулв-дэгин и сонэ судэшкүэттеб; тэн гүэйк што сій кайдэт-тин Иона сагыйн.

42. Совь-горе царица коцдал судэ варас тайн пулвдэгыйн и судэшкоат сонэ; тэн гүэйк што сон пудій іемне райн куллэд Соломон миллэввудэ; и кич, тасть ли шурамь Соломоннэд.

43. Күэсь ліехт тортмас вуйңас олмұсьт, танна воттат чадзехеммес пайкїй милыт, оц вүэйңем-сае и ій ковн.

44. Танна сарн: мун маццам маст иччан пэрхте, косыт мун вулькимъ; и күэсь сон поат, кавн сонэ курас, и ли пашманч и ріевклахтанч.

45. Танна вуэлк, и валт милдес киччем нумбїйт вуйңсїйт, нюэзымп иччедес, и соаккеб сїй тогэ и іеллеб тампед; и ли тэн олмне маңемунч нюэзымп авть-мунчед. Нит лянч и тан нюэзес пулвдэкке.

46. Ну күэсь сон вял сарнай олмыйт; сонэ іен и вильле чуньчун олкем-біелыт, и тахтун соныйн сарнед.

47. И мутам цилькїй сонне: кич, тонэ іен и тонэ вильле чуньчуб олкемъ-біелыт и тахтэб сарнед тоныйн.

48. А сон цилькїй вуэста, сарнъя: кіе ли мунэ іен? и кіек ліеб мунэ вильле?

49. И вузехт кидїйнис иджес уэпсүвїй элэ, и цилькїй: кич, тасыт ли мунэ іен и мунэ вильле.

50. Тэн гүэйк што кіе алк іеллед мунэ алым-адже тахтмужїй милыт; тэт ли мунне виль и уэрыпен и іен.

Коалмэмплогант алкхэш.

А тэн шїейве ливтїй Исуспэртест и ыштїй мїэр-гүрре.

2. И коаккань сонне іеннэг олнеттед, нит што сон мэный вэнсе и ыштїй; а олмо пук чуньчун рындест.

3. И сон үэпест синьйт иеннэг арьвдуссий гуэйм, сарнай: кич, ливтйй кальвей кальвед.

4. И куэсь сон кэльвий, мутам кэччйй чухко лузэ; и путтин лоньде, и нухкун тэн.

5. Мутам вырйй кьедг сайя, коңге ляй ванас ием-неттед; и вагтинне шэндэшкудйй, тэн гуэйк што ляй иемне сиеңкь.

6. Ну куэсь пайен шейв; кошкешгудйй, и кохт сонст ий линч уэньдес, кошкйй.

7. Мутам кэччйй чохкей-мистгйй кэсье, и шэнтин чохкей-мистеге, и сонэ техпин.

8. Мутам кэччйй шиг иемня, и путйй шантайт; эхт шэндйй чуэтсинче, нумь кутлогелинче, а иерес колмлогелинче.

9. Кiest линчин шелье куллэд, ань кул.

10. И путтин уэпсуввэе и цилхкин сонне: мэн-гуэйк арьвдусйй-гуэйм сарнах сие?

11. Сон сие цилькйй вуэста: тэн-гуэйк, што тйе ли антанч титтед альм-царства пйяхтэзйй, а сие ий лях антанч.

12. Тэн гуэйк што кiest ли, сонне аьттет и сонст лянч иеннэг; а кiest ий лях, сонст вальтет и тэн ми ли.

13. Тэн гуэйк сарнам сие арьвдусйй гуэйм, што сйй уйнеб, и иеб уйн, и куллэб и иеб антешт.

14. И сие лянч Исаяя пророк сарнмуж милът, ку сарн: кулмужййн кулбеттед и иешпед антешт, и чельмйй гуэйм линчбеттед кихчед и иешпед уйн.

15. Тэн милът што тэйн олмыйн кутье шэнтин кэrrас, и шильлйй-гуэйм поанналла куллэб, и чельмййдис омхин, тэн варас што иеб уйнче чельмйй гуэйм и иеб кулче шильлйй гуэйм, и иеб антшихче

кутькйнис, и іеб мадче, што мун синьйт тирвхат-чимь.

16. А оазлэж ліеб тинэ чальме, готь уйнеб, и тинэ піельле, го куллэб.

17. Вуйкест тйе сарнам: іеннэг пророкеттед и вуйк-олмнеттед тахтун уйнед, мэйт тій уйнбеттед, и іеб уйнанч, и куллэд мэйт тій кулбеттед, и сій іеб кулманч.

18. Те тій куллэд, ми ли арвдэс кальвее баяс.

19. Юкынче, ку кулуй сәне царства баяс и ант-шанч ій, потгал торгмас и кышк тэйт іерс сайя, мэк лійин калванч сонэ кутькест: тат ли тэт, ми лйй кал-ванч чуэкас гурре.

20. А ку лйй калванч кіедг-пайкест, ли тэт, кіе кул сәне и раммэст валт сонэ;

21. А ій лях сонст уэньтес, и сон ій лях равас; куэсь шант пяццель или вуехемуш сәне гуэйк, сон вактиньне віерехув.

22. А ку лйй калванч чохемь-миствій кэске, ли тэтъ, ку кул сәне, а тан альм вул и ваптэг-вудэ вуе-хэлмуш тахп сәне, и сон ли шантайха.

23. А ку лйй калванч шиг іемней альн, ли тэт, кіе кул сәне и анташт, ку и ли шантай-гуэймь, нит што мутам похт шантайт чуэтлинче, а іерес кутлогелинче, а іерес колмлогелинче.

24. Нумь арвдэз сон сйе сарнай, и цилькй: альм-царства ли эвт налла олмьин, ку кэльвій шиг калвмужйит иджес пилто.

25. А куэсь олмо уттин, пудій сонэ вуэстланч и кэльвій нюэзес разе шпеницай кэске и паго вульгій.

26. Куэсь шэндій суйн и идій шант; танна идій и нюэзес рась?

27. Ну путтин ховьен пажэлвэз и цилхкин сонне: шур олмунч! Ык тон шиг калвмужйит калванч иджант пилто? Кость шыт путтин тогэ нюэзес разь?

28. Ну сон цилькйй сйе: вуэстланч туишт тэн. А пажэлвэз сонне цилхкин: татних, мйй вулькеп, валь-теп синийт паго?

29. А сон цилькйй: ым тат; што тйй, куэсь тйй вальбеттед нюэзес разе, иешпед радэче пшеница эвтест синий гуйм.

30. Куттед эвтест шэнтэд сйе тэт и нумпь чух-пем райе; и чухпем бале мун цялгам чухшйит: копчед эвтлест нюэзес разе и коррэд синийт тохкен, пуэль-тем варас; а пшеница копчед мунэ айхта.

31. Терес арвдэз сон сйе ший, цилькйй: альм царства ли эвт налла горчица сйемайн, кон олмунч вальдйй и кэльвйй иджес пилто,

32. Ку ли уцмус пукый сйемай, а пайдикке куэсь сон шант, ли шурямп пукый шэнтый, и чунчхув мур-рэн,нит што пуэттеб альм лоньде и катчэттеб сонэ ув-сйй вуэлла.

33. Терес арвдэз сйе цилькйй: альм царства ли эвт налла вапнь-тайкнййн, кон нызан олмунч вальтйй и ший колм мярра яввэд, кон райя иеб пук куцханч.

34. Пук тэлайте Исус сарнай олмыит арвдэссен, и арвдэзййха ий сарнанч сйе;

35. Што лянч теде милыт, ми ля сарнанч пайель про-рок, ку сарн: мун арвдэзййн аведам иччан няльме, сар-нэшкоадам тэн, ми лйй пййхтанч тан альме сйеттем раест.

36. Танна Исус луптйй олмыит и мэный пэрх-те. И путтин сонне сонэ уэшуввэе и цилхкин: цйельб мйе арвдэз пяд нюэзес разе варас.

37. А сон сйе цилькйй вуэста: ку калв шиг калвмужйит, ли олмо альк.

38. Пялт ли тат альм; шиг калвмуѣ lieb царства альге; а нюэзес рась ли тортмэзэ альге;

39. Вуэстланч, ку синьйт кэльвий, ли цуэрьхт; чухпмуш ли тан альме путмуш, а чухпэе lieb ieŋкал.

40. Тан милът готъ копчет нюэзес суйнйит, и тольин пуэльтет, нит лянч тан альме путтэм пале.

41. Вулгахт олмо альк иджес ieŋклийт, и сій копчеб сонэ царствест пуѣ вуехэлмуѣйт и коѣ ieллеб закон вуэста;

42. I суэхпѣб синьйт тол-кивкна, тамбет лянч рякмуш и паній гуэйм кацкмуш.

43. Танна вуйк-олмо чувнеб, го пиейв, иджес адже царствест. Киест lieb пельеле куллэд, ань култал!

44. Вял: альм-царства ли эвт-налла пийхт-салайн, ку ли пяддест кахтанч, кон олмунч ковнй и пийтй, и раммэст сонэ варас ман и миек пуѣ, ми сонст ли, и оаст тэн пялт.

45. Вял: ли альм царства эвт налла кахпэзійн, ку оц шиг земчугйит,

46. Ку куэсь ковнй эвт калшес земчуг, вульгий, мигйи пуѣ, ми сонст лий, и устйи сонэ.

47. Вял: ли альм-царства эвт налла нутйин, ку ли суэхпма мьерре и валт юкке налшем кулийт,

48. Кон, куэсь сон шэндйи тивтэ, киссиш рынту, ды ыштиш и копчиш шиг (кулийт) астыа, а нюэзэ суэхп-ин паго.

49. Нит лянч тан альме путмен: вулькеб ieŋкал и ратькеб пас олмыйт вуйк олмыйн паго;

50. II суэхпѣб синьйт тол кивкна: и тампе лянч дуэйхкмуш и кацкмуш паній гуэйм.

51. II кэджий синест Исус: антшйит, ieппед тан пуѣ? Сій сарнеб сонне: антшим Господи!

52. А сон цильгій сїе: тан милт ли юкке кирь-
кит, уэпсанч альм-царство, эвт налла хозьенїн, ку
куэнт олгус иджес еал-айтест от и уэм.

53. И куэс Исус лухтїй тайт арвдэзїйт, вульгїй
тамбет.

54. И куэсь сон пудїй иджес адже-їемня, сон
уэпист синїйт синэ синагогїйн, нит што тэвэхушшин,
и сарнун: кость сонне мука милвес-вут и самэ?

55. Вае сон пэрхт-чїене альк ли? Вае сонэ іен
коччай Марїен, и сонэ вильле нэммед милт Як и Іо-
сїй, и Сымман, и Іуда?

56. И вай сонэ уэрьпене пуэ лїеб минїй кэскест?
Кость танна сонне так пуэ путтим?

57. И віерхуввин сонст. А Исус цильгїй сїе:
їй ля пророк іерс саест цыстха, го иджес адже-їемнест
и куэдьсес.

58. И тампет сон ій туешанч іеннэг уїнахтем
туїйт синэ віерхемвудэ гуэйк.

Нїельлемплогант алехэш.

Тэн пале нїельле-валтланч Ирод кульїй сагїйт
Исус баяс,

2. И цильгїй иджес паккэлвэзїйт: таг ли Эвван
рыстей; сон еаллай ямїй горрен, и тэн гуэйк уїнах-
тем туге туешуввеб сонїйн.

3. Ирод эвтель вальдїй Эвван, корїй сонэ и пїїй
сїевнис сайя Иродїада гуэйк, вильлись Иллип кашпэг
гуэйк.

4. Тэде милт што Эвван сарнай сонне: ій шит
тонне іеллед сонїйн.

5. И татай коньтед сонэ, а пэлыї олмїйн; тэн
гуэйк што сонэ локкеш пророк сайя.

6. А куэсь празньюшпиш Ирод шэнтем-шэйве, Иродиада нйт сирій куссій пале, и милдый Ирот сонне.

7. Тэн гуэйк сон Иммель-санійн оштій сонне аньтед, лышша сон мэйт анахч.

8. А сон иеннес матъхеммед милът цилькій: аньт мынне тасыт юде альн Эвван Рыстее уэйве.

9. И вырій цар пядла; а Иммель-сане гуэйк и тэй гуэйк, кок оррун соныйн, сон пагай аньтед сонне.

10. И вулкхет Эвнест уэйве чухпед сівенис пэртест.

11. И похтиш сонэ уэйве юде альн, и энътиш нйите, и сон выгій еаннась.

12. А сонэ уэпсуввэе путтин, вальтин сонэ роңге, и рухкин сонэ; и вулькин и виэкин сагэ Исусе.

13. И куэсь Исус кулуй, вульгій томбет вэнсест пусьт пайхка эхто; а олмо куэсь куллин тэн, вулькин лэннийн ваньцилле сонэ милът.

14. И куэсь Исус ливтій олгус, сон уйпій иеннэг олмнеттед; и шалышт синыйт и тирвхэттій синэ уэе-нахтмйт.

15. Ну куэсь шэндый иекнанч, путтин сонне сонэ уэпсуввэе и цилхкин: пайхк тасыт ли пусьт, и паль ли маңчед: лухьт олмыйт, што сій вуэлгчин сійдйит и оастчин иджйидис пормуж.

16. Ну Исус цилькій сйе: илля мэн гуэйк сйе вулккед; тій аньтед сйе порред.

17. А сій сарнэб сонне: минест тэн вьерьт ли тасыт выт лейбе и кухт куле.

18. Сон цилькій: пухтед мынне тигэ синыйт.

19. И пагай олмыйт быштед разь элэ, и куэсь сон вальтій выт лейбе и кухт куле, кичист алма, сон лославый, лйибйит мурьдйи и энъгій уэпсуввйит, а уэпсуввэе энътин олмыйт.

20. И поррин пук и шэнтин каллас; и копчин куэтыянч куськыйт кукхэмплоть тивт корэбеттед.

21. А порбеттед ляй альде выт тоафент олмнеттед, нызнйха и парнайха.

22. I вактиньне пягай Исус иджес уэпсувыйт мэннэд вэнсе и суккэд эвтель иджес нумпъ пяла, кон сон олмыйт лүэшт.

23. И лүштй олмыйт и мэний тьерьме элэ коммэрдэллэд эхто; и іекна эхто куэттый тогэ.

24. А вэнс ляй уже каска міерэ, и сонэ нэмбий гуэйм іевай; тэн милът што пиҕк ляй вуэста.

25. А нялянт валвмуш-пале ыкка пудй сйе Исус, воттэдый міерэ милът.

26. И уэпсуввэе, куэсь сонэ уйнин міерэ милът ваньцем, суркнин и сарнун: тат ли сомэ вардэй; и пэлмин кукхэлшкүттин.

27. А Исус вактинне синый гуэйм сарнэшкүдй, и цилькй: равнуввед; мун лям, іеллед пэллэд.

28. Педар сонне цилькй вуэста: Господи! го лях тон, пак мунэ пуэттед тонне чадзе милът.

29. А сон цилькй: пуэде. И ливтй Педар вэнсест, вульгй чадзе милът тэн варас што пуэттед Исусь горра чадзе милът.

30. А куэсь сон уйнй іеннэг пиҕкед, суркен, и готь чацца оаешкүдй, сон кукхэлшкүдй: Господи, піест мунэ.

31. Исус вактиньне сонне эльдинт кидес, тульестй сонэ, и сарн сонне: тон вань-віерланч! Мэс тон пусьт юртэг юрьтих?

32. И куэсь сйй путтин вэнсе, то шэҕ кульхкй.

33. А кок лйин вэнсест, тэк путтин альтла, коммердин сонне и цилхкин: вуйкест тон лях Иммель альк.

34. И куэсь сій пайель мэннин, пугтин Геннисарет іемня.

35. Тэн пайкаш іелее, куэсь сій титтин сонэ, вулкхин пуг тэн іемне пыр, и похтиш сонне пугыйт кэблайт.

36. И аннун сонст, нит кускед сонэ аз равна; и кок кускени, сій тирвхуввин.

Выттэмплогант алкхэш.

Танна пуэттеб Исузе горра Іерусалим кирь-кидэ и фарисее, и сарнеб:

2. Мэзэ тонэ уэпсуввэе іеллеб поарсай віерэ вуэста? іеб сій пэзэ кидійдис, куэсь поррэб ліейбе.

3. Ну соп цилькій синій вуэста: мэзэ и тій туешпешед пайель Иммель пахкмуж иджант віер гуэйк?

4. Тэн милът што Иммель пакай: логэ аджант еаннант шуррен; и кіе тонэ адже, іене афк, ань сормас ям.

5. А тій сарнбеттед: кіе цилькинч ачча, или еанна: лайх Имла ли тэт, мэйн тон оайчих мунст віекхуввэд;

6. Тэт оай аджес іеннес куттед логханна. Тэй налій тій паго цэйлійт Иммель пахкмуж иджант віерыйн.

7. Тій кухтла! пуэрест Исаяя сарнай тинэ баял пророк сагыйт, куэсь сон цилькій:

8. Так олмо пуэттеб мынне альтла няльмис гуэйм, и аньтеб мынне цыст нюхчмійн; а синэ кутье ли куэхкен мунст.

9. А пусьтійт мынне цыст аньтеб, готь уэпсеб матьхемужійт, олмый пахкмужійт.

10. И коччай олмыйт, цилькій сіе: куллэд и антшеккед!

11. Ий тэт, ку ман нялма, туешт олмо тортмуссен; а тэт, ку вуэлк няльмест туяшт олмо тортмуссен.

12. Танна сонэ уэпсуввэе путтин и сарнун сонне: тиедах, ык, што фарисее, куэсь сій куллин тан сане, вьерхуввин?

13. Ну сон сіе цилькій вуэста: юкке шэнтмуш, кон ий мунэ аль-ачь ыштханч, лянч ротьянч оантсис гүэйм.

14. Куттед синнийт: сій lieb чальмхемій чальмхемес оахпас; а го чальмхем ык чальмхеме, то кухто юррэрб авта.

15. А Пиедар сонне цилькій вуэста: ціелье міе тан арвдэз.

16. Иусуц цилькій: вае и тій вял іешпед антешт?

17. Вай эвте тій іешпед тольхе, што пук, ку поат нялма, ман чоавя, и суэхпьюв олгус?

18. А няльмест вулькей ліехт кутькест; тэт тортмахт олмо.

19. Тэн гүэйк што кутькест вулькеб пас юртэг, контмуж, ріекь верес капкій-гүэйм, суэлнэмуж, килес уйнее-сане, лайхтмуж.

20. Тат торхк олмо; а пэзханенч кидій-гүэйм поррэд, и торьк олмо.

21. И ливтій Иусуц тампе и вулькій Тирэ и Сидон іемня.

22. И кич, ызан Хананланч ливтій тэйн сэйин и куьхэлий сонне: путь мынне лавведвудэ, Господи, Давыд альк! мунэ нійт лосдиньне кэпшт цурьтій майнест.

23. А сон ий сарнанч сонне ни эвт сане вуэста. И сонэ уэпсуввэе путтин, аннун сонст: лушьт сонэ, тэн гүэйк што куьхэл минний мильт.

24. Ну сон цилькій вуэста: Мун лям вулеханч, ым нумбій варас, а Израил пэртэ майкьянч ламбсійт.

25. А сон пудій алытла, коммэрдэлыи сонне, и сарнай: Господи! виекхт мунэ.

26. Ну сон цилькый вүэста: илля шиг вальтед лейбе, и суэхпед пиенгйит.

27. Сон цилькый: нит, Господи! а и пиеннэг поррэб чувххэзйит, кок кэчнеб синэ хозьенйи түүлест.

28. Танна Исус цилькый сонне вүэста: ой, нызан-олмунч, шур ли тонэ вьер; ань тонне лянч тонэ тахт-муж мильт. И тирвхувый сонэ нйит теде вүэрест.

29. Күэсь Исус вульгий томбе, сон пудий Галилея мьерэ лүзэ; и мэний тьерьм элэ и ыштйи тогэ.

30. И пудий сонне иеннэг олмнеттед, кок похтин мильдес лэхкшйит, чальмхемйит, нюхчмахтмйит; кэб-муртанч олмыит и еарсийт иеннэг, и ойьгин синйит Исус юльгий вүэлла; и сон тирвхэтгий синйит.

31. Нит што олмо тэвтушшин, го уйнин нюхчмахтмйит сарнем, кэб-мурьтем олмыит тирвеса, лэхкшйит воттэттем, и чальмхемйит уйнем; и сйи кихтин Израил Иммеле.

32. А Исус коччай иджес уэпсувыйт, цилькый сйе: мун шалшам олмыит, што сйи уже колм пиейве иеллеб мунэ лувь, илля мэйт сйе поррэд; а мун синйит порэханна ым тат луштед, што сйи иеб шэнтче варест лоаньчас.

33. И сарнэб сонне сонэ уэпсуввэе: косьт мйе пусьт пайкест ли тэн вьерьт лейпед вальтед, што портед тэн вьерьт олмнеттед.

34. Сарн сйе Исус: мэн вьерьт тивест ли лейпед? Ну сйи цилхкин: киччем, и ванас куэлнеттед.

35. Танна пагай олмыит ыштнед иемня.

36. И сон вальдий киччем лейпед, и кулийт, пась-пужйи, муртехч и эньтий иджес уэпсувыйт, а уэпсуввэе олмыит.

37. И поррин пук, и калнин; и копчиш куэтыянч куськыйт киччем тивт кушпед.

38. А порбеттед ляй нель тофэнеттед олнеттед, нызнйха и парнайха.

39. Сон куэсь олмыйт луштй, сон мэний вэнсе и пудй Магдала чорро.

Куттэмплогант алххэш.

И пугтин фарисее и саддудее, и, сонэ кихчлем варас аннун вузьхед синьйт вузьхемуж альмест.

2. А сон вуэста цилькй сйе: иекна тй сарнбеттед: лянч шиг шэ, тэн милт што ли альм рупсед;

3. И инчек: тарьм лянч абр-шэ, тэн милт што ли альм рупсес-чоахпес. Тй кухтла! маньтем ли альм, тй тэн уэйбеттед ратькед; вай палй титыйт иеппед мать.

4. Ньюзес и рихк-туешей пулдэг оц тивыйт; и тихт й энто сйе, Иона пророк титха. И кудй синьйт, и вульгй.

5. И куэсь сй вулькин нумпъ пялла, сонэ уэп-суввэе оайлэхтин вальтем лйбйит.

6. Цилькй сйе Исус: кихчед, варьдудвед фари-сей и саддукей вашнест.

7. Ну сй юртин кэскнис и сарнун: тат ли, што мй лйбйит иеп валтанч.

8. Го Исус тан тидй, сон цилькй сйе: мэйт иджсант юртбеттед, вань-вьерла, што лйбйит иеппед валтанч?

9. Вяла тй иеппед антэшт и иеппед муштъ выт лейбе выдэ тофант олмыйт варас, и мэн вьерт тй кушпед копчйит?

10. И киччем лейпед нельле тофант элэ олм-неттед, и мэн вьерт кушпед тй копчйит?

11. Кохт иепед тольхе, што ым лйбй майнест цялхканч тйе: варедуввед фарисей и саддукей выпшнест?

12. Танна сйй оскун, сон пакай сйе варедуввед йй лейп-вашнест, а фарисей и саддукей уэпсемест.

13. А вүэсь Исус пудйй Иллип Кесарее иемня, сон кэджйй иджес уэпсувййн: кйен эвтель олмо аннеб мунэ, олмо альге?

14. Сйй цялхкин: эвт Эвван Рыстее эвтель, еарас Илье эвтель, мута Теремее эвтель или эвт пророк эвтель.

15. Сон сарн сйе: а тйй кйен эвтель локбеттед мунэ?

16. Ну Сымман Пйедар цялькйй сонне сане вүэста: Тон лях Христос, иеллее Иммель альк.

17. Танна Исус цялькйй сонне вүэста: оазлэш тов, Сымман Иона альк, тэн гүэйк што ни линк ни вэр иет вүзеханч тонне тан, а мунэ ач, ку ли альмййн.

18. И мун тонне сарнам: тон лях Пйедар, и тан калле элэ мун сядам иччан цйеркев, и адэ увс иёб уййт сонэ.

19. И антам тонне альм-царства лохк-чувтгййт; и мййт корних иемней альн, тэт лянч и эльмййн корманч; и мййт тон иемней альн чоавдах, тэт лянч чоавданч эльмййн.

20. Танна Исус кильдйй иджес уэпсувййт, што ни кйез иёб цялкче, што сон ли (Исусе) Христос.

21. Теде палест Исус альгйй иджес уэпсувййт аньтед тйетмуж, што сонне быт вулькед Иерусалимма, и иеннэг вайвед вальтед поарсемужййн и шуремус папййн и кыр-кидййн, и контьед; и коалмант пйейве еальед,

22. И коччай Пйедар сонэ лапта, и сарнашкудйй сонне вүэста: лехчих тон лаввед иджант варас, Господи, што тат йй линче тонне.

23. А сон коввусь маст и цилькый Пиедре: мэнэ паго мунст сатана: тон коччах мунэ пас лэхко; тэн гуэйк шго тон юрдах, ык тэн ку ли Иммеле, а тэн, ку ли олмый.

24. Танна Исус цилькый иджес уэпсувыйт: кие татанч мунэ милыт вулькед, пяхтэдэ иджсант, и валыт рыстант, и пуэде мунэ милыт.

25. Тэн гуэйк што кие тахт иджес иҕк варедед; тэт кадахт сонэ; а кие кадахт иҕкес мунэ гуэйк; тэт кавн сонэ.

26. Ми лянч олмне виэхквудыйт, го сон кавэсинч пук мырэ, а чудзахт иҕкэсь? Или маньтем оастмуж ант олмунч иджес иҕкэ эвтель!

27. Тэн гуэйк што поат олмо альк иджес адже коаргест Иеҕклидис гуэйм; и танна ант юкбынче сонэ түй милыт.

28. Вуйкест тийе сарнам: lieb куэ-ля-киекхен тасыт чуэнчийн, кок иеб уйн сорьмес эвтель, кон сий иеб уйн олмо парьне вардем иджес царствест.

Киджемплогант алкхэн.

Маҕа куттэд пиейвест Исус вальдй Пиедар, Ях-ко и Эван, сонэ вильле, и выгй синыйт эл тиерьм элэ эвгйит.

2. И сон шэндй иерес налла синый эвдест: чув-вин сонэ касф го пиейв, а сонэ ассэг шэнтин пук вил-кед, го чув.

3. И кич иттин сйе Мойсей и Ильле, и сарнун соныйн.

4. Тан пале Пиедар цилькый Исусе: Господи! Шиг ли мйе тасыт иеллед; татних, туешеп тиге колм пэрхтед: эвт тонне, и Мойсее эвт и Ильля эвт.

5. Күэсь сон вял сарнай, кич, чуввис пэлв синьйт кэпсхэдий; и кич, ин пэлвест сарнэшкудий: тат ли мунэ шабэшем-альк, ку ли мунэ миллэд милът; сонэ култлеккед.

6. И күэсь уэпсуввэе куллин, сий коммаде оайкь-иттин касвайдис элэ и чуэвта суркнин.

7. А Исус пудий, лыксеттій синьйт, цилькій: коцьеккед, и іеллед пэллэд.

8. Ну күэсь сий аведин чельмійдис, іеб уйнанч ни кіен еарас готъ эвт Исус.

9. И күэсь сий нийин тиерьмест вуэлас, Исус кильдїй синьйт, сарнай: іеллед сарнед ни кіез тан уйнем баяс, кон олмо парьн ій еалло ямбийн.

10. И кэччин сонст сонэ уэпсуввэе: кохт шыт кирь-кидэ сарнеб, што Илья быт пуэттед эвтлест?

11. Исус цилькій сїе вуэста: тат ли вуйкедвут, Илья быт пуэттед эвтель, и сїеттед пук.

12. А сарнам тїе, Иль пудий, и іет тидханч сонэ, а туйпиш соньин кохт тахтуш; нит и олмо альк валт вайве синьй гїеччен.

13. Танна уэпсуввэе антшин, што сон сарнай сїе Эвван Рыстее баяс.

14. Күэсь сий пугтин олмый горра; пудий сонне олмунч, кэччїй пулвый элэ сонэ эвдест;

15. И цилькїй: Господи, шалэшув мунэ альге; сон от манай милът вуэр, и чуэвта мухкшув; тэн гуэйк што товье сүэхпдахт толле и товье чацца.

16. Мун похтлим сонэ тонэ уэпсуввїйт, и сїй іеб оайянч сонэ тирвхахтед.

17. Ну Исус вуэста цилькїй: ой віерхеммес и маст маццанч пулвдэг! кон рая мун линчим тиньй гуэйм? Куккеа мынне лянч киршед тиньйт? похтед сонэ мынне тиге.

18. И цевдзій Исус сонэ; и цуэрхт вульгій сонст паго; и парьн тирвхувый тестханна.

19. Танна уэпсуввэе путтин Исусе ичнис и цилхкин: мэн гуэйк мій іеп оаянч сонэ вуэхед?

20. Ну Исус цильгій сїе: тинэ віерэхемвудэ гуэйк; вуйкест сарнам тїе: готь тинест лянч віер горчица сіема шурад, и ціельхкбеттед тан тарма: мэнэ таде горрен тогэ; сон ман; и иллинче ни ми тїе магнахтем туешемест.

21. А тат пульдэк ій ни махт іерес налла вуехув, го малец-саній гуэйм и пэзин.

22. Куэсь сїй лейен Галилеест, Исус цильгій сїе: олмо альк лянч антанч олмо-кідїйт;

23. И коньтет сонэ; и коалмант шїейве еаллай. И сїй чүэвта пядлужешкуттин.

24. А куэсь сїй путтин Капернауме; путтин Пїедра дидрахмай копчее и цильхкин: вае ант тинэ уэпсей дидрахма?

25. Сон сарн: ант. И куэсь сон мэнїй пэрхте; Исус, ку эвтель мэнїй тогэ, цильгій: рохт тонэ милэст ли, Сымман? Іемней царэ, кіесьт сїй вальтеб поплине, или чоаґге? иджес эльгїйн, или верес олмыйн?

26. Пїедар сонне сарн: верес олмыйн. Исус цильгій сонне: нит ліеб альге лупс.

27. А што мїй синїйт іеп выгче ряхка, мэнэ мїерэ горра, лушьт вуґк, и вальт автмус куле, ку попахт; и куэсь тон аведах сонст няльме, ковнах стати-ре; вальт сонэ, и аньт сїе мунэ эвтель и иджант эвтель.

Жавцемплогант алххэш.

Тэн вуэрэ уэпсуввэе путтин Исусе и цильхкин: кіе ли шуремус альм-царствест?

2. Исуе коччай парьн и цѣѣкхет къське синьй,

3. И цилькѣй: вуйкест тѣе сарнам, готъ тѣй іеппед ковсинче и іеппед линче мукка, кохт парна; іеппед чагэ альм царства.

4. И нит кѣе уцнинч, готъ тэлайхге парьн, тэт лянч шуремус альм царствест.

5. И кѣе валт эвт мукка парьн мунэ нэмме; тэт и мунэ вьлт.

6. А кѣе вык ряхка эвт тайн уцъхайн, кок вѣръеб мынне; тэсэ лехч пурамп, го корчиш сонне мѣльнехц райк-кѣедге пыр чапэтъ, и кэцѣдин сонэ мѣерэ чѣлессе.

7. Пэч коадэ-сулье ряхка-выемужѣйн; тэн гуэйт што быт пуэттед ряхка-выемужѣйт: а пэч тэн олмне, пайель кон поат ряхка-выемуж.

8. А готъ тонэ кит или тонэ юлье вые тонэ ряхка, чуп іерс сайя и суэхпе паго иджесант: пурамп тонне мэннед еалмушше кидха или юльеха, го кувтин кидин и кувтин юлькин суэхпьюввед аге толле.

9. И готъ тонэ чальм вык тонэ ряхка, ротте іерс сайя, и суэхпе иджесант паго: пурамп тонне эвтин чельмин мэннед іеллем-сайя, готъ кувтин чельмин уэльктуввед тол-атто.

10. Кихчед, іеллед локкэд уцхинчен ни эвт тайн уцъхайн; сарнам тѣе, што синьй іеѣгал эльмѣйн юкке вуэрэ уйнеб мунэ альм-адже касф.

11. Тэн гуэйт што олмо алье пудѣй оццэд и піэстед тэн, ку майкуй.

12. Кохт ли тинэ уйнметтед милът? Го кѣест лихч чуть ламсеттед и эхт синест чайед; вай сон куэт ахцлоь ахц тирмѣйн и вуэлк оццэд чайданч лампас?

13. И готъ сон ковнинч сонэ; то, вуйкест сарнам тѣе, сон рамман сонэ гуэйт іенамп, мэн ахцлоге ахц гуэйт, кок іеб линч чайданч.

14. Нит иллях тинэ альм-адже тахтмуш, што майбьяхч эхт тайн уцьхайн.

15. А готь ряхегув тонэ вуэста тонэ виль; мэнэ, и вузехт сонэ віерас-вуттен иджант кэскест и соныйн эвтин: готь сон якхал тонэ; тон танна ковних виль-лянт.

16. А готь сон ій якхэлэ тонэ; валът міелдант вьл эвт или кухт, што кухт или колм чор-олмо няль-мій гуэйм равнувахч юкке сань.

17. А готь ій якхэлэне синыйт; ціельк ціерква: а готь ій якхэлэне и ціерькве; танна ань лянч тонне кохт тортмас и мытгарь.

18. Вуйкест тійе сарнам: мэйт тій корбеттед іемнест, тэт лянч альмест корманч; и мэйт тій чуэвт-беттед іемнест, тэт лянч чоавтанч альмест.

19. Вуйкест нит-же сарнам тійе, што готь тійед куйтас эхтед милэст авэшкуэтьбеттед юкке тье; танна, мэйт тій авэшкоадэчепед, лянч тійе мунэ альм-аджест.

20. Тэн гуэйк што косьт куйтас или колмас коак-нанч линчин мунэ нэмме, тампет мун линчим синый кэскест.

21. Танна Педар сонне пудій, и цилькій: Гос-поди! мэн віерьт вуэртэд быт куттед рикійт вильсан, ку ли ряхегуванч мунэ вуэста? Вае киччем вуэрэ райя.

22. Исус сонне сарн: ым цильк тонне: киччеме райя, а киччем вуэртэд кичлоге райя.

23. Тан милът алм царства ли эвт налла царыйн, ку татай локтэттед иджес пакэлвэзій гуэйм.

24. Куэсь сон алькій локтэттед; похтанч ляй сонне эхт, ку ляй сонне вьлгланч локь тоафнеттед талантед.

25. А кохт сонст иллинч мэйн махсед, танпа сонэ хозьин пагай миккэд сонэ, и сонэ кашпэге, и парнайт, и пук ми сонст ляй, и махсед.

26. Танна тэт пакэлвэс вырйй сонне юэлка, ком-мэрдэлыи сонне и цилькйй: цар! киршель мунэ гуэйк, и пук тонне мавсам.

27. Цар тэн пакэлвэз шалшувый, лүшьтйй сонэ, и кудйй сонне вйельк.

28. А тэт пакэлвэс куэсь сон олгус ливтйй, ков-ний эвт иджес товружййн, ку ляй сонне вялганч чуть динарейед, табать сонэ, каксэлыи, и сарнай: аныт мын-не мэн тон лях вялганч,

29. Танна сонэ товруш вырйй сонэ юлькййт, андэдйй сонст, и сарнай: киршель мунэ туккен, и пук тонне андам.

30. А тэт йй шахтанч, а вульгйй и ыштхет сонэ сйевнис сайя, кон сон вйельк йй аныт.

31. Сонэ товруж куэсь уйнин ми ляй шэнтманч, чуэвта сйеньтин; путтин и сарнун иджес царре пук тан ми ляй шэнтманч.

32. Танна сонэ цар коч сонэ и сарн: пас пакэлвэс! пук тэн вйельк тонне куттим, тэн варас што тон мунст андэттих.

33. И тонне бидйй туешед лавведвудэ иджант товрушше, кохт и мун тонне туешим лавведвудэ.

34. И сйентйй цар, и энъдйй сонэ мухцййт, тэн райя куэсь сон йй аныт вйельк пук.

35. Нит и мунэ альм-ачь туешешкоат тиный гуэйм, готь юкьянч тинест йй куде иджес кутъкест виль-сес сонэ рикййт.

Ахцемплогант алкхэш.

Куэсь Иусу луптій тайт сагыйт; танна сон вульгій Галилеест, и пудій Іудее чорро Іордан туэлка.

2. Сонэ милът іеннег пудій олмнеттед, и сон тирвхэттій синыйт томбет.

3. И пугтин сонне фарисее, и сонэ кихчлем варац цильхкин сонне: лійя олмне валт юкге ашшест раткьед иджес капгест?

4. Сон цилькій сїе вуэста: іешпеда тїй логманч, што ку сидїй алькей айгест, алм-олмо и нызан-олмо сидїй синыйт?

5. И цилькїй: тан милът куэт олмунч аджес и іеннес, и ахт иджес капка, и линчин кухт эвт лышка.

6. Нит што сїй уже іеб лях куэхтасыт, а эхт лишк. І нит, мейт Иммель эхтедь, тэн олмне ій биде раткьед.

7. Сїй сонне сарнеб: ну мэн гуэйк Мойсей пакай аньтед раткьем-кирь, и раткьед сонст?

8. Сон сїе сарн: Мойсей, тинэ кэр куткїй гуэйк, тїе аньдїй валт раткьед иджант акїйн; а алькмен иллинч нит.

9. А мун тїе сарнам: кїе раткай иджес капгест іерес туест го ряхктувмуж гуэйк віерсїй гуэйм, и найхтлат нумпа; тэт ли віерсїй гуэйм рьякланч; и кїе найхтлат ратганч капка, ли віерсїй гуэйм рьякланч.

10. Сарнеб сонне сонэ уэпсуввэе: кохт олмунч нит лянч корманч иджес капка; то пурямп сонне ли ій найхтлэттед.

11. А сон сїе цилькїй: ій пукыйт тат сань чоагэ, а кїез ли антанч.

12. Тэн гуэйк што ліеб кацқанч олмо, кок іеннес човьест шеньтин нит; и ліеб кацқанч олмо, кок ліеб

кацқанч олмый гиччен; и lieb кацқанч олмо, кок иджа кацкин иджес альм царства гуэйк. Ку оай чагенед, ань чагянт.

13. Танна похтанч лийин сонне парна, што пияхч, синый элэ кидийдис, и коммэрдэлахч; а уэпсуввэе сивтин синыйт.

14. Ну Исус цилькый: лупьтед парнайт, и иеллед цавцед синыйт потлеммен мунэ горра; тэн гуэйк што теле-мукмий ли альм-царства.

15. И пий синый элэ кидийдис и вульгий тампе.

16. И кич, пудий эхт олмунч и цилькый сонне: шиг уэпсей! мэйт мынне быт туешед шигнийт, тэн вара, што мынне лехч аге-еалмуш?

17. Ну сон цилькый сонне: мэйт тон коччах мунэ шигнен? Ни кие иллях шиг, готь эхт Иммель. А готь тон татах мэннэд аге-еалмушше; тульэде (Иммель) пахк-мужий мильт.

18. Сарн сонне: мэй мильт? Ну Исус цилькый: иель коньт, иель ряхтув вьерсий гуэйм; иель сүэлэнт; иель сарн килес чор-олмо-сагийт;

19. Ане аджант еаннант шуррэн, и шобешт иджант альтмуз, готь ич иджант.

20. Нур олмунч сонне сарн: тан пук мун шиньним иччан нурвудест; ми мунст вял ий оалэ?

21. Исус цилькый сонне: го тон татних лиеде тивт налла; мэнэ, мигэ иджант еалмужэ, и юге вайвсийт; и тонне лянч еал альмест; и пуэде, ваньц мунэ мильт.

22. Куэсь кулуй нур олмунч тан сане; сон ваньций тумшьла пяцлест; тэн гуэйк што сонст ляй иеннэг еаллэд.

23. А Исус цилькый иджес уэпсувийт: вуйкест сарнам тийе, лоссэд ли ваптекке мэннэд альм-царства.

24. И вэл сарнам тийе: кienсамп ли верблютте мэннэд нивле пэтташ чэдэ, го валтекке мэннэд Иммель царства.

25. Готь сонэ уэссуввэе тан куллин, сий чуэвта суркнин и цильхкин: кий оай пыт шестхуввед?

26. А Исус кичист синэ элэ, цилький сийе: тат олмуйт иллях махт туешед, а Иммель пук оай.

27. Танна Педар цилький сонне вуэста сане: кич, мий кудим пук, и вульким тонэ милът, ми пыт лянч мийе?

28. Ну Исус цилький сийе: вуйжест тийе сарнам, што тий, кок мунэ милът вулькийт, отгест шэнтмужест, куэсь ышт олмо альк иджес славе ыштем-сайя, и тий ыштбеттед кухтемплоче ыштем-сайя, сuttэд Израилэ кухтемплоче пулвдэккед.

29. И юбянч, ку куэт иджес пэртгийт, или вильлийт, или уэрпнийт, или аджес, или iеннес, или калкес, или парнайдис, или iемнийдис мунэ нэмэ гуйк, сон оанч чуде вуэрред iенамп, и лянч сонне аге еалмуш.

30. А iеннэг лянч автмуссед маџемуссен, и маџемузэ линчин автмуссен.

Кухтлогант алххэш.

Тэн гуйк што ли альм-царства эвт налла пэрт хозьенйн, ку индек айгалт ливтйй пальххетед туй-олмыйт иджес вын-мурь-айто.

2. И куэсь сон синый гуйм шитйй арвайн эвтйй динарейй паява, сон вулгехт синыйт иджес вын-мурь-айто.

3. Куэсь сон ливтйй олгус коалмант чяс бале, сон уйнйй нумбийт чуэнчмен кахп-саест туеха.

4. И сийе цилький: мэннэд и тий мунэ вын-айта, и ми тийе вульгинч, антам тийе. Сий вулькин.

5. Васът ливтій кудант чяс бале и авцант чяс бале, и туишт тэн-ше.

6. Кячча, куэсь сон ливтій эхтемплогант чяс бале, сон ковный нумбійт туеха чуэнчмен, и сарн сїе: мэйт тїй туеха чуэнчбеттед тасът кяджас пїейве?

7. Сїй сарнеб сонне: ни кїе ій пальхктанч минїйт. Сон сїе сарн: мэннэд и тїй мунэ вын-айто, и ми тїе вулькинч, линчбеттед вальтед.

8. Ну куэсь шэндїй іекнанч, цялхь вын-айдэ хозьен иджес вирма олмне: кочь туешейт, аньт сїе пальк, алехт маџемузїйн авдмузїй райя.

9. И кок путтин эхтемплогант чяс бале, вальтин эвтїй динарейї.

10. А кок путтин авдмузе, юрџтин, што вальтеп іенамп; а и сїй вальтин эвтїй динарейї.

11. И куэсь сїй вальтин, и алькин пэрт хозьене элэ артэд.

12. И сарнун: так маџемузе туешин эвт чяс, и тон пїйих синїйт эвт райя минїй гуэйм, кок куньдим пїейве лоссэдвудэ и паштэг.

13. А сон вуэста цилькїй эхте синест: виль! мун ым віерехт тонэ логест; ыгка тон сіехтманч мунїйн эвтед динареест?

14. Вальт иджант, и мэнэ; а мун татам аньтед тэлайне маџемуссе тэн-ше, кон и тонне.

15. Ійя мунэ ля валт иччан лыкест туешед, мэйт татам? Или ли тонэ чальм анес верес салэ элэ тэн гїеччен, што мун лям шиг?

16. Нит линчин маџемуз авдмуссен, и авдмуз линчин маџемуссен; тэн гуэйк што ли іеннег кохчманч, а ванас ли валэшанч.

17. И вулькїй Исус паяс Іерусалимма, и варест коччай кухтемплоть уэпсуветтед рявна эвтїйт, и цилькїй сїе:

18. Кич, мій мэннэп Герусалимма, и олмо альк лянч антанч шуремус папыйт, и кирькидйт, и судэш-куэдэт сонэ сорма;

19. И аньтет сонэ тортмас олмыйт окнахтем варас, кушэм варас, и ристе-саньтем варас; и коалмант пийва сон еаллай.

20. Танна пудй сонне Зеведее эльгий иен иджес эльгий гуэйм, коммэрдэлэй, и мэйт лянч анай сонст.

21. Сон цилькй сонне: мэйт тон татах? Сон сарн сонне: цильк, што так кухт мунэ альге ыштчин Тонэ лузэ эхт уэльгис пялла, а нумп чинч пялла Тонэ царствест.

22. Иусу цилькй вуэста: иеппед тиде мэйт анбеттед. Уэйбеттед, иеппед юккэд тэн нап кон мун югэшкоадам, или рыстнэттед тэйн рыстнэтмужйн, койн мун рыстнэдам? Сй сонне цильхэин: уэйеп.

23. И сарн сйе: мунэ нап линчбеттед юккэд, и рыстнэтмужйн, койн мун рыстнэдам, линчбеттед рыстнэттед; а ыштед уэльгис пялла и чинч пялла мунэ лузэ, илля мунэ аньтмест, а киез мунэ ач валмышт.

24. Куэсь иерес локь уэпсуввэе куллин тан, сй сientин куйт вилье элэ.

25. А Иусу коччай синыйт и цилькй: тй титбеттед, што олмый царэ синый альн аннеб царвудэ, и шур-олмо валт аннеб синый альн.

26. А тиный кэскест ий биде нит лиеде: а кие тахт тиный кэскест шуремуссен лиеде, сонне быт тйе слушьен лиеде.

27. И кие тахт тиный кэскест автмуссен, сонне быт тйе лиеде пакэвлэссен;

28. Нит готь олмо альк ий тэн варас поаттанч, што сонне слушчиш, а слушпед пудй, и аньтед иджес инк, иенгий лонесем варас.

29. И куэсь сій вулькин Јерихонест; синьй милът пудій іеннэг олмнеттед.

30. И кич, кұхт чальмхеммес, кок оррун чүэкас гурест, куэсь сій куллин, што Исус ман рае, алькин кукхэлэд: шалэшт миньйт, Господи, Давыд альк!

31. А олмо пахгун синьйт оррэд инэха; а сій вял чувьтамп кукхэлшкүттин: шалэшт миньйт, Господи, Давыд альк!

32. Исус іэскій, коччай синьй альтла, и цилькій: мэйт тій тахтбеттед мунст?

33. Сій сарнеб сонне: Господи, што авнехчин минест чальме.

34. Ну Исус шалэштлувьй, кускый синэ чельмійт; и тестханна уйнешкүттин синэ чальме, и сій вулькин сонэ милът.

Жухтлогант эхт алкхэш.

И куэсь сій алтнин Јерусалимме, и путтин Виффагея, Елеон тиеръм луз; танна Исус вульгехт кұхт уэпсуввэе,

2. И цилькій сійе: мэннэд сійте, ку ли вуйкест тиньй эвдест; и тедеханна вуэрест ковнбеттед ницглэзе осселэ корманч и нур осселэ соньйн; чуэвтед и похтед мынне.

3. И готь кіе цилькинч тіе мэйт-нй; ціельхкед вуэста, што синьйт быт шурре; и вагтинне вулкахт синьйт.

4. А пук тэлайхте ляй, што лянч тэн милът, ку ляй сарнманч пайель пророк, ку сарн:

5. Ціельхкед Сіон нійте: кич, тонэ цар поат тонэ горра, сүэне, ор ницлэс осселэ альн и нур осселэ альн, товас осселэ альге альн.

6. Уэпсуввэе вулькин, и нит лыбкэшкуттин, кохт пакай сйе Исус.

7. Сйй похтин ниңлэзэ осселэ и нур осселэ, и шйин синый элэ иджес асгййт, и сон ыштгйй синый элэ.

8. А иеннэг олмнеттед шиттин асгййдис чухко милът; а мутам чухпин увсййт мурыйн, и шиттин чухко милът.

9. А олмо, кок ваньцип эвдест и кок сахтин, лэқкин: Осанна Давыд алка! Благословманч ли тэт, ку поат Иммель нэмме! Осанна паймузест!

10. И куэсь сон мэний Иерусалимме, омп лань лыкнешкудйй, и сарнай: кие тат?

11. А олмо сарнун: тат ли Исус, пророк Галилее Назаріетест.

12. И соаңай Исус Иммель ціерьква, и вуехт пукыйт мибййт и уэстыйт ціерьвест олгус, и комехт ваехей тулййт, и голуп миккей ыштем-сае.

13. И сарнай сйе: ли кирьханч: мунэ пэрхт коччай малец-сане пэрхтен; а тйй туешййт сонэ олмо-чүзэхэлий вуэқкен.

14. И путтен сонне ціерьвест чальмехеммес и лэхуш; и сон тирвхэттйй синыйт.

15. Ну куэсь шуремус пап и кирь-кидэ уйнин уйнахтем туййт, койт сон туишт, и парнайт, кок кук-хэллин ціерьвест и сарнун: Осанна Давыд алка! тана сйй сентин.

16. И цильгин сонне: кулаха тон, мэйт сйй сарнеб? Исус сарн сйе: кулам! Иепеда тйй логманч ни куэсь: уць парнай и раньт-парнай няльмййн Тон туеших кихтмуж?

17. И кудйй синыйт, ливтйй олгус ланнест Вифанейе и тампед ійиди.

18. А инцек, куэсь сон маст махцель ланна, порссувый.

19. И сон уйнй чүэкас гурест эвт смоква-мурэ, и пудй сонне альт; и готъ сонст йй ковнма ни мэйт го эвтййт лэстййт, сарн сонне; иллинче тонст эвдус ни куэсь шантайт айк баяс. И смоква-мур тестханна кошкый.

20. Куэсь уэпсуввэе тан уйнин, сйй тэвехушшин, и сарнун: кохт тэн вагтинне кошкый смоква-мур?

21. Ну Исус цилькый сйе вуэста: вуйкест тйе сарнам: анешкудэниппед вйерэ, и йеппед пусьтййт юр-тешкудне, танна йеппед линче эвте тэн тве туешед, мили туешанч смоква-мурре, а го тйй цйельхбеттед тан тярма: пайен и йорэ мйерре, нит и лянч.

22. И пук, мэйт тйй анэнеппед малец-санййн вйерайн, вальтбеттед.

23. И куэсь сон пудй цйеръева, и уэпест; пугтин сонне шуремус пал и поарсемуз олмыйн, и цильхкин: кйен тон валтайн тан туешах? И кйе тонне энхтйй мукка валт?

24. Исус цилькый сйе вуэста: кэджам и мун тинест эвт баяс: готъ тйй цйельгниппед мынне, нит и мун тйе цялкам, койн валтайн тан туешам.

25. Косът лйй Эвван рывтмуш: эльмййн али олмыйн? Сйй кэскнис юртын: готъ цйельхкеп эльмййн, то сон цялхе мйе: мэн гйеччен тйй танна йеппед вирманч сонне?

26. А готъ цйельхкеп: олмыйн; пэллэп олмыйн; тэн гуэйк што пук логэть Эвван пророккен.

27. И цильхкин Исусе вуэста: йеп тиде. Цилькый сйе и сон: и мун тйе ым цйельк, койн валтайн тан туешам.

28. А махт тинэ милест ли? Эхтед олмуьст лийн кухт альг; и сон пудй автмузе луэ, цилькй: альк, мэнэ и туешт тарьм мунэ вын-айдест.

29. Ну сон вуэста цилькй: ым тат; а мацьлест табэхувый и вулькй.

30. И мэнй нумпа, цилькй тэн-ше. Тат цилькй вуэста: вуэлгам, шур; и йй вуэлканч.

31. Ку куэхтсест явхэлый аджес пахьмуж? Сй сарнеб сонне: автмуьс. Исус сйе сарн: вуйкест сарнам тйе, што мытаре и оаккэе нызан эвтель тинэ мэннеб Иммель царства.

32. Тэн гуэйк што пудй тйе Эвван вуйкедвудэ варайн; и тйй иешпед вирманч сонне: а мытаре и оаккэе нызан виррин сонне; а тйй хошше и уйнйит тан, иешпед кайдэтманч мацпа, што вирред сонне.

33. Куллэд нумь арвдэз: лйй мутта пэрт хозьен, ку ыштехт вын-айде, пыр цячгай айдайн сонэ, рабай сонст вын-авде, туишт башьн; и энвдйй сонэ вын-айт-никйит, и вульгйй паго.

34. А куэь пудй шантай паль; сон вулгехт иджес пахкам-олмыйт вын-айтникйй луэ, вальтед иджес шантайт.

35. Вын-айтник табхин сонэ пахкам-олмыйт, мутам кушпин, мутам коньтин, а мутам видкйй-гуэйм кушпин.

36. Овта вулгехт нумбййт пахкам-олмыйт, иенамп эвтлинчед; и синый гуэйм туешин нит-ше.

37. Маецмуссе вулгехт иджес альг сйе, сарнай: сйй онушшеб мунэ альге.

38. А вын-айтник, куэь уйнин альге, цйельхкеб нумь нумпас: тат лянч еал-анней; вуэлкеп, контакта сонэ и валтака сонэ куэтьеб еалэ.

39. И табхен сонэ, вибкин олгус вын-айдест и коньтин.

40. Тэн гүэйк, куэсь пудинч вын-айде хозьен, мэйт сон іелешкоат тай вын-айтників-гүэйм?

41. Сарнеб сонне: тайт пас-олмыйт ант пас сорма, а вын-айде сон ант нумбійт вын-айтниківт, кок линчин аньтед сонне шантайт синэ палій милът.

42. Иус сарн сїе: іешпеда тїй логманч ни куэсь кирїйн: кїедг, кон туешее олмо сухпїин, тэт шэндїй угл-уэйвен; тат ли Имлест, и ли тиввен минэ чельмїйн?

43. Тэн милът сарнам тїе, што лянч валтланч тинест Иммель царства, и лянч антанч олмыйт ку похт сонэ шантайт.

44. И тэт, ку іор тан кїедг элэ, муртлат; и кїен элэ сон іор, тэн пач.

45. И куэсь сїй куллин сонэ арвдэзїйт, шуремус пап и фарисее арвдин, што сон синїй баяс сарн.

46. И сїй тахтун сонэ табехед; а пэллин олмыйн: тэн гүэйк што анниш сонэ пророккен.

Кухтлогант нумпъ алкхэш.

Иус вял сарнай сїе арвдэзїй-гүэйм и цилькїй:

2. Альм-царства ли эвт налла цар олмне, ку туешт найм-туэле иджес альге варас.

3. И вулгехт иджес пакэлвэзїйт кохчед кохчманч олмыйт найм-тоалла; и іеб тахтманч пуэттед.

4. Овта вулгехт нумбїйт пакэлвэзїйт, цилькїй: цїельхкѳед кохчманч олмыйт: кич, мун валмшпим иччан кусь-вярэ, мунэ вузе и ми ляї портанч, ли контанч, и пук ли валмэш; пуэттед найм-тоалла.

5. А сїй іеб якхэлма тэн, а вулькин, кїе иджес пилто, кїе иджес кахпо.

6. А саррас табехин сонэ пакэлвэзійт, окнехтин и коньтин синыйт.

7. Кульй цар тэн и сientый синый элэ; и вулгехт иджес вигэ, майгай пук тэйт контыйт и пульдйй синэ лань.

8. Танна сон сарн иджес пакэлвэзійт: найм-туэль ли валмэш; а кочманч олмо іеб линч анехеэ.

9. Тэн гуэйк мэннэд чүэкас рателэгыйт и пукыйт, кіен ковнбеттед, кохчед найм-тоалла.

10. И тэк пакэлвэз лихтин чухксій элэ, копчин пук, кіейт лышша ковнин, и пас олмыйт и шиг оммыйт; и найм-туэль коаккань тивд орэій-гуэйм.

11. Цар, куэсь сон пудій кихчед ыштнанч найм-туэльнигийт, уйнй тамбет олмо, ку иллинч тэвэнэтманч найм-асгій-гуэйм.

12. И сарн сонне: виль! Кохт тон путтих тигэ ык найм-асгій-гуэйм? А сон орай инэха.

13. Танна цилькйй цар пакэлвэзійт: коррэд сонст кидійт и юльгийт, вальтед сонэ и суэхпьекед олгмус сіевньдессе; тампет лянч луйхкмуш и паній-гуэйм кацкмуш.

14. Тэн гуэйк што іеннэг ли кохчманч, а ванас ли валэшанч.

15. Танна фарисее вулькин и кэскнис юртин, кохт лихч сонэ шиллед саній-гуэйм.

16. И вулхэллэб сонне иджес уэпсувййт иродіаній-гуэйм, сарнеб: уэпсей! мйй титтеп што тон лях вуйкед, и вуйкест уэпсах Иммель кяйн и ык вуллетт ни кіен миллэд милыт іеллед; тэн гуэйк што ык кич ни кой касвай элэ.

17. Нит ціельк мйе: кохт тон кичах? ли, иллях луэштанч анытед чоаґе Кесарре?

18. А Иусу ку уйнй синэ пасвудэ, цилькй: мэз мунэ кихчлеппед, кухтла?

19. Вузехеккед мынне тиеңге, койн чоаңк мавсет. Сй похтин сонне динарее.

20. И сарн сйе: кien ли тат ковас и кирь кирь-ханч?

21. Сй сарнеб сонне: Кесаре. Танна сарн сйе: нит аньтед Кесра, мэк леб Кесаре, а Имла мэк леб Иммеле.

22. Куэсь куллин тан, сй тэвэхушшин, куттин сонэ де вулькин.

23. Тэн пиейе путтин сонне саддукее, кок сарнеб, што иллях (ям-олмыйт) еаллэемуш, и кэччин сонст:

24. Уэпсей! Мойсей цилькй: го кие ям, и сонст ieб лях парна, тэ сонэ виль ань валт сонэ кашпэг иччис, и чуэнчлахт вильлес сиемя.

25. Ляй минест киччем вильлед; авдъмунч найхтлэдий и ямй, и го сонст ieб линч парна, сон кудй кашкес иджес вильле.

26. Эвте налла и нумпъ и коалмант и киччант райя.

27. А маңа пукый и каб ямй.

28. И нит еаллэем-пале, кien лянч сйед кичмест сон каб, го сй аннин пук сонэ?

29. Иусу цилькй сйе вуэста: сякнэнтбеттед, го ieппед тиде кирьхемуж ни Иммель самайт.

30. Тэн милът што еаллэем-пале iет найхтлэт-тут и iет мэннуть куйю, а iелет готъ Иммель ieңкалэ альмест.

31. А ям-олмый еаллэем баяс ieппеда тий локманч, ми ли тйе цялхганч Иммест:

32. Мун лям Абрэм Иммель и Иссак Иммель и Лхко Иммель? Иммель иллях ям-олмый Иммель, а iельй.

33. Куэсь олмо куллен тан, тэвэхушшин сонэ уэпсемуж.

34. А фарисее, куэсь сій куллен, што сон ту-ешт саддукейт инэха оррэд, сій коакнин эвт сайя.

35. И эхт синест, законнехк, сонэ кихчлем варас кэджій, сарнай:

36. Уэпсей! Ку ли шуремус пахемуш законест?

37. Исус цилькій сонне: шабэшт Господэ, иджант Иммеле пукыйн кутькйнант, и пукыйн иҥкыйнант, и пукыйн антшемужйнант.

38. Тат ли авдымус и шуремус пахемуш.

39. А нумпъ ли тан налла: шабэшт иджант альтмуз, готъ ич иджант.

40. Тай кухтед пахемуж элэ пэштув пук закон и пророк.

41. А куэсь коакнин фарисее, Исус кэджій синест:

42. Мэйт тій юртбеттед Христозе баяс? Кіен сон ли альк? Сій сарнеб сонне: Давыд альк.

43. Сарн сйе: а кохт Давыд, вуйҥас милът, коч сонэ шуррэн, куэсь сон сари:

44. Цилькій шур мунэ шурре: ышт уэльгис паялла мунэ, кон райя пиям тонэ вуэстлайт тонэ юльгій вуэлла?

45. И нит, го Давыд коч сонэ шуррэн; кохт шыт ли сон сонэ альк?

46. И ни кіе ій оайянч сонне цилхкед ни сане вуэста; и тэн пиейвест ій тустманч ни кіе кэччед сонст.

Кохт логъ колмат алгтэс.

Танна Исус алгтій сарнэд олмэдь и иджес вохпна-дэит,

2. И цилькій: Мойсей иштам-сайе иштиш кирь-кид и фарисей.

3. И нуть пук, мэйт сій пакэть тійит руккэдэд, руккэдешпе и туйешеккё; а сій туйе мелът елле мэннэд: тэн дет што сій сарнэть и ет туйед.

4. Сій коррэдэт лоссес и куньдетемес ноддит, и шійет ольги эл олмэть; а ич е тат ни сурмен ликкастатте сійит.

5. А пук иджес туйит туйет тэв-дет, чтобы уйнэчиш сійит олму; сій хэртэжет иджес первескит и суредет иджес ассэги сойит.

6. И нуть саввешет вэннэд вус-сайин пирин и аррэд паррасамус сайин синагогин,

7. И цестатмуж олмэ чоҥкмужэнь, и чтобы олму коччичиш сійит: вопистій! вопистій!

8. А тій ешпед нэмэдэд вопестев: тэн дет што эхт ли тист вопестій Христос; а пук тій лешпед виллеж.

9. И еджин иджат еллед нэммэдь ни овт манд эльн: тэн дет что эхт ли тист Еч, ку ли Эльмест.

10. И еллед нэммэдэдь матеден; тэн дет что эхт тист ли матедій, Христос.

11. Шорьмус тист ань ленч тійит пагалдэс.

12. Тэн дет что ку эллэнат иджес, тэт волле-даманч ленч; а ки волляд иджес, тэт пайян.

13. Кэвр тійит, кирь-кид и фарисей, лицмерь, тэн дет что катветте эльм-царвут олмэть; тэн дет что идж ехпед чаҥдед, и таттэит мэннэд ешпед луштель.

14. Кэвр тійит, кирь-кид и фарисей, лицмерь, мэйт порветте ляск пэртэть, и лицмер налла кухкь айес-тепше: тэн дет вальтветте тэнь енал судмуж.

15. Кэвр тійит, кирь-кид и фарисей, лицмерь, мэйт пир мэнветте мерь и кошк манд моацэтем баяс хоть эвт; и коть тат шэнтал, туйеветте су ад эльгин, кохт верьт кяхнабень тійит.

16. Кэвр тійит, шоккес лайтій, кок сарнаветте:

леччи ки бождат церквен, тэт елля ни ми; а леччи ки бождат церков коллин, тэт верь ли.

17. Милтэмес и шоккес! Ми ли енап, коль или церков, ми пэзят коль?

18. Нуть-же: леччи ки бождат олтарин, тэт елля ни ми; а леччи ки бождат лахимин, кобэнч ли су эльн, тэт ли вер.

19. Милтэмес и шоккес! ми ли шоряп, лахьмуш, или олтар, кобэнч чувват лахьмуш?

20. И нуть бождэттэй олтарен, бождат и пукэнь, ми ли су эльн;

21. И бождэттэй церквин, бождат суйн и сусьт иллиин;

22. И бождэттэй эльмэнь, бождат Юммель олтарэнь и су эльн аррэин.

23. Кэвр тийит, кыр-кид и фарисей, лицмер, мэйт энътветте логат восьмятест, анисест и тминест, и кудин, ми ли законест каллашэмуш, судмуш, шиг котьквут и вер; тан гэлькед ляй туйед, и тэн елля кондед.

24. Шоккес лайтй, кок чедветте чушкэть, а нилветте верблюд!

25. Кэвр тийит, кыр-кид и фарисей, лицмер, мэйт чистветте напиг и юодит олгэльт, а сискельт сй ле тивд кешкмуз и киллесвудет.

26. Шоккес фарисей! чист вусьт напъ и юодъ сисклас, тэн дет ленчи сй олгбел путтес.

27. Кэвр тийит, кыр-кид и фарисей, лицмер, мэйт лепше эвт налла пайнам ямй-куодй вуйм, кок леб олгэльт киччед моччед, а сист сй лиет тивд ямй тавтит и юкке торьмужэт.

28. Нуть и тй олг-белът леппед олмэдь киччед вуйк олмэнь, а сист тивдэтам лицмервудет и законотемесвудет.

29. Кэвр тийит, кирь-кид й фарисей, лицміер, мэйт туйешепше ямй-куодйт пророкит и мочидешпе вуйк-олмэть ямй-кідгійт.

30. И сарнаветте: ленджим мій ичен еччин пей-вид; еп ленджи эвтсанч сійи пророкій вэр-валлэгест.

31. Нуть тій идж иджант пут леппед светтель, мэйт тій леппед тэйд эльги, кок коньтиш пророкит.

32. Тій тивдэтиешпед иджит іеджит міерь.

33. Кувдій, кацелас кувдій шэнтмуж! Махт тій урчстешпе атта сугянна?

34. Тэн-дет, нуть, мон вулгэталам, тійи гара пророкит, и мил-олмэть, и кирькидит; и тій еаррасит контеветте, и поаннашешпе, а еаррасит альбветте таккед тій синагогин, и вуойтет віенест віенна;

35. Ань поатта тіе эл пук вуйк вэр, валламанч манда эльн вуйк Авель вэрест Сакри, Варахин эльк вэр райя, кон тій коньдит церков и олтарь кэскест.

36. Вуйкист сарнам тійит, тат пук поат таллян шэнд эл.

37. Іерусалим, Іерусалим, кобэнч кондэнч пророкит, и так кидги вуйм, кок лев вулгэтамма тунне! моммет вар таттэм мон чуоқкед ту парнать, махт лонданч чоңе иджес эльгит сойи волла, и тій еше татэш-коатманч!

38. Нуть тійит куддастал тій пэрт корасен.

39. Сарнам тійит: ешпед уйнест му ангенч раест, кон іешпед лыңе: лаословманч пуоттій Юммель нымме!

Кохт-догь нельят алгтэс.

И вульгій Иус олгас, и ваньдзій церквест; и путтиш сунне су вуошнаттій чоетет сунне церков, махт лий туяшаманч.

2. Исус цилькый сийит: уйневетте, епед, пук тайт? Вуйвест тийит сарнам: ий кудду тасьт кьедгь кьедге эльн; пук ленч муртсталманч.

3. А кось сон арий Елеон терм эльн, танна путтиш вуопнаттій сунне эвтсест, кэччилип: цельк мийит, кось тат ленч, и мэньтем ли ту потмуш и егге кедж томтмус.

4. Исус цилькый сийит воста: варедикке тэн дет, ни ки ий кезэчи тийит ряхка.

5. Тэн дет што еннэги подет му ным воьльн, и альгет сарнед: мон лям Христос, и еннэгит сій кезет ряхка.

6. Нуть-же куллэветте тормужи баяс и тормужи саги баяс. Киччед, іеллед сурькестал: тэн дет што тэз пукэд галгэч ляйд; а тат вял елляк кіеч.

7. Выллитет олмэ олмэ эл, и царвут царвуд эл; и ленджет нялгастомуш, кэб, и мад-торгестомуш пайки мелт.

8. Тат вял пук ли кэб алгэт.

9. Танна ленджет энътлед тийид піехсемуже, и коньдешкодет тийит; и тій ленджетте епше савашаманч пукэнь олмэнь му нэмест.

10. И танна еннэге кезвудет ряхка; и каньц каньдес альгет энътлед, и е саввопэшкодет каньц каньдес.

11. И еннэг келес-пророкит коццэет и кезет еннэгит ряхка.

12. И законтеммесвуд ласнамуж дет еннэгин чоац-кат савшамуш.

13. А ки кондешкоат кедже райя, ленч пасманч.

14. И тат царвуд Евангели ленч сагэтаманч пук манд эльн, свидетельвуден пукэд олмэд, и танна поат кеч.

15. И нуть, кось уйневетте корасвуддумуж кяхн-

вуд, ми ляй сарнманч пэйиль пророк Танниль, чоанч-мен пэзь саест (ловкйй ань томт):

16. Танна кок ли льяманч Иудеест, ань урчет термит;

17. И ки ли кат эльн, тэт еаллас лоштлат вальтед мэн-ни иджес пэртест;

18. И ки ли шеддэ эльн, тэт еаллас поньлат масать вальтед иджес ассэгит.

19. А кэвр ярассэть и чич-портит тэйд пейвид.

20. Айестекке, ий шэндачи тийи урчмуш талва или совет.

21. Тэн дет што танна ленч шур кэп, мэньтем ельманч мёр кеджест ангенч райя и ий ленч.

22. И коть е уондаччип тэк пейв, ий пасдэдэчи ни эхт лешк: а валлашамэ дет тэк пейв уондет.

23. Танна ленчи ки дялк тийит: кич, тасьт ли Христос, или томбе; еллед аскэд.

24. Тэн дет што коццэет келес-христи и келес-пророки, и энъдет шур чоаетумужит и чудьвудет, ряхва кессем дет, коть ваает, и валлэшаммет.

25. Нуть, мон эвдест цильким тийит.

26. И нуть, леччи целькет тийит: кич, сон ли пусьт пайкест, еллед мэннэд; кич, сон ли пейт-пэртэнь, еллед аск.

27. Тэн дет, махт термес-каск ман нуртгест, и костэй я запад райя, нуть ленч олмэ эльг поттем-нал.

28. Я косьт ленч яммий лешк, томбе чоцкэдедет коцькемэ.

29. И ахтнас, мацча тэйде пейвэд кэбест, пейв севняд, и ман ий аньд иджес чувва, и таст кеччет эльмест, и эльме виг сойетешкодет.

30. Танна ет олмэ эльге чойетомуш эльмест; и

танна рягашкодет пук манд-род, и уйнэстет олмэ эльг потмен эльм пэлвэ эльн еннань вигэнь и эл-нэмэнь.

31. И вулгат иджес ангелит итсэньч трубин, и чофгет су валлэшэммэть неллен пицгэнь эльм чоарэст и сій чоарэ райя.

32. Смоков-мурест вальтед мокамвуд: кось су овзы шэндешкофте суппэд и луштэлет лэстэт; танна тетте, што кесь ли эльт.

33. Нуть кось уйнветте тан пук, тетте, што эльт ли, увзэ пут.

34. Вуйкест сарнам тийит: ий пуд тат пулв-шант, кон тат пук ленч.

35. Эльм и мант пудет: а му саг е пуд.

36. А тэн пейвест и чассэст ни ки ий тид, ни эльм ангель, эхт му еч.

37. А махт ляй Ной пейвэть, нуть ленч и олмэ эльг поттем-налест.

38. Нуть, махт эвд-белыт кэцкем-баль порриш, юккиш, найтлэттиш и вэйттиш куйе, тэн пейв райя, кось Ной мэний ковчеги;

39. И ет юрманч, кон ий поатманч кэцкмуш, и лоптаманч пукэдь: нуть и ленч олмэ эльг поттем-наль.

40. Танна ленджет кохтест пелда эльн; эвт валтлат, а нумп куддастал.

41. Кохт мелдаттій жорновэ лунь; эвт валтлат, а нумп куддастал.

42. И нуть валвзэтекке, тэн-дет што еппе тед, кон цас тій Господ пот.

43. Но тан тій тетте, што ленчи коть-хозьин тедэчи, кон вартъем-баль сул пот; танна сон валвэчій и ий андэчій койвэдь иджес кодь.

44. Тэн-дет и тийид гале ляйед валмэшит; тэн-дет што кон цас еппед іорьд, пот олмэ эльк.

45. Ку ли вуйк и милманас пакалдас, кон хозьин пий иджес пакалдээ эл, эньтед сийид пормуш вуйк баль?

46. Возес ли тэт пакалдэс, кон су хозьин, поать-мен, кавн нуть туйешемен.

47. Вуйкест сарнам тийит, пук иджес елмуж эльн пей су.

48. А ленджи тэт пакалдэс кяхн, и цялк иджес котькест: ий товда поадь му хозьин;

49. И алк таккэдь иджес товружэть, и поррэдь и юккэдь юккэй-олмэ-вуйм:

50. Танна пот тэн пакалдэз хозьин, кон пейв сон ий вуорьд и кон цас ий юорьд;

51. И цоп су, и пей су эвт восса лицмер вуйм: томбь ленч лойкмуш и пань-хырраш.

Кохт логь видат алгтэс.

Танна эльм царвут ленч эвт налла логин нийдин, кок вальтиш иджес тувсникь, и выйтиш воста вунтме.

2. Сист лейиш вит милманэш и вит милтэмес.

3. Милтэмес вальтиш иджес тувсникь, а ет валтманч мелдес вуй.

4. Милманас-же эвтест иджес туввасники вуйм вальтиш вуй иджес асьтии сиз.

5. И кось вунтам бухкь ий потманч; танна пук нокашкуттиш и оддешкуттиш.

6. А кэск иннэсьт шэндэй чорвмуш: кич, вунтам пот, вийтед воста сунне.

7. Танна коцьиш пук тэк нийд, и вуйкииш иджес тувсники.

8. А милтэмес цилькиш милманнэсэть: эньтед мийит тийи вуй; тэн-дет што мий тувсникь чацкэдэдет.

9. А милманэш цилькиш воста: штобы ий леччи путмуш и мист и тист, мэннэд поряп мигэид гара, и восьтед ичсант.

10. Кось-же сій вулькиш восьтед; пудій вунтам, и валмуш мэнниш сүйн найм-вярра, и увз каттэиш.

11. Маһа поадет и ярес нийд, и сарнет: Господи! Господи! аввед мийит.

12. А сон цилькй сийит воста: вуйкист сарнам тийит, им тед тийит.

13. И нуть валвэдекке; тэн-дет што ешпед тед ни цейв, ни цас, кон пот олму эльб.

14. Сон туйяй, махт олмэшь, ку вулкал верес манту, кочй иджес пакалдэзит, и аскэдй сйи китте иджес елмуш.

15. И эвте сон эньдй вит талантет, нумпа кохт, мотме эвт, юкиганче су виг мельт; и товда вульгй.

16. Ку вальдй вит талантет, вульгй, энй сийит туйи эл, и валлэшй нумбит вит талантет.

17. Нуть же и тэт, ку вальдй кохт талантет, валлэшй нумбит кохт талантет.

18. А ку вальдй эвт талант, вульгй, и койвэй су манту, и катй иджес хозьин силп.

19. Кухкь айкин пот тэйт пакалдэзит хозьин, и кач сист лог.

20. И пудй тэт, ку вальдй вит талантет, пувтй нумбит вит талантит, и сарн: хозьин! вит талантет тон эньтик мунне; кич, нумбит вит талантет мун валлэшэмь сйи эл.

21. Су хозьин цилькй сунне: порь ли, шиг и вуйк пакалдэс! ваннест тон леик вуйк; еннагь эл ту шям; мэн ту хозьин рамсе.

22. Пудй нуть-же ку вальдй кохт талантет, и

цилькйй: хозьин! кохт талант тон энътик мунне; кич, вьл кохт талант мун валлэшэмь сйи эл.

23. Су хозьин цилькйй сунне: порь ли, шиг и вуйк пакалдэс! ваннест тон леик вуйк; еннэгь эльн ту пям; мэн ту хозьин рамсе.

24. Пудй и ку вальдйй эвт талант, и цилькйй: хозьин! мон титтим ту, тон ляк кэр олмашь, чупшак, косьт ик пуштам сим, и чофгак, косьт ик кометаманч;

25. И пэльтим, вульким, каттим ту талант манту; таль тунне ту.

26. А су хозьин цилькйй сунне воста: венне юрьдйй пакалдэс и лашкес! тон титтик, мун чупам, косьт им пуштаманч, и чоафгам, косьт им кометам.

27. Тэн-дет тунне гэлькед лйй энътед му силл кавпъязит; и мон, кось пугтим, лейм вальтед иччан лэссин.

28. Нуть вальтед сушт талант, и энътед кобест ли лохкь талантет.

29. Тэн-дет што юксенче, кобест ли, энътлат и лассан; а кобест еляк, сусьт вальтлат и тэт, ми ли.

30. А кяхн пакалдэс сухпееккк олгас севнес-вутте; томб ленч лойкмуш и пань хырш. (Кось цилькйй таллан, чурьвйй: кест лие пйель куллэдь, ань сон кол!

31. Кось-же олму эльк пот иджес элнэмест, и пук пэзь аньгель суйн: танна ешт иджес эл-нэм престол эл;

32. И чофкэдэдет пут су пук олму; и югест эвт тет нумбин, махт варредйй югач лампсит коззин;

33. И чунчлат лампсит воллес-пелът иджес чоар а козьлит чинч китте.

34. Танна цялк цар тэйт, кок леб воллес-белът су: потте, Му Едж лаословманч, мэннед царства, ку ли тйит валлэшаманч манд и эльм туйем раест.

35. Тэн-дет што нялгәтем мун, и тий энъдин мунне порред; югстовим, и тий югәтен му; лейим як-олмәнъ, и тий вальдин му;

36. Лейим піеота, и тий тіеввәтен му; лейим кәбест, и тий киччин му; турьмест лейим, и тий пудин мунне.

37. Танна вуйк олму целькет сунне воста: Господи! кось мій уйним ту нялгәстам, и портем? или югәстовәм, и югәтем?

38. Кось мій уйним ту як-олмәнъ, и вальдим? или піеотемес, и теввәтем?

39. Кось мій ту уйним кәбест, или турьмест, и пудим тунне?

40. И цар цялк сийид воста: вуйкест сарнам тийит: моммет тий туйешин тан әвте таллин му оцкәнъ вильлин, тән туйин мунне.

41. Танна цялк и тәйд, кок лев чиндж-белът: ваньцед мусът, проклет тий, егәсенч толле, ку ли валләшам биссе и су ангелит.

42. Тэн-дет што порстоввем мун, и тий еппед антманч мунне порред; югстоввем, и тий еппе югтам му;

43. Лейим як-олмәнъ, и еппе валтам му; лейим піеота, и еппе тіевтам му; кәбест и турьмест, и еппе кичманч му.

44. Танна и сій цельбет сунне воста: Господи! кось мій уйним ту порстовманч, или югстовманч, или як-олмәнъ, или піеота, или кәбест, или турьмест, и еп лужманч тунне?

45. Танна цялк сийит воста: вуйкист тийит сарнам: момет тий еппед туйям тан әвте тайн оцмузәнъ; тән еппед туйяманч и мунне.

46. И вульгет так егсанч пехсмуже; а вуйк-олмә егсанч ялләге.

Кохт логъ жудат алгтэс.

Кось Исус кеджетій пукэд тайд санит, танна цилькій иджес вопнаттигт :

2. Тий тетветте, пэйиль кохт пейв ленч Едж-пейв; и олмэ эльк ленч антам поаншемме.

3. Танна чоңкдэттиш шорьмус папэ и кирь-кидэ и паррасамус олмэть шорьмус папэ, нэм мельт Кайяфа, двор сиз.

4. И пийиш сарнмужест вальтед Исус мудрэй налла, и коньтед.

5. А сарнуш: ий гал пась-пейв, ий леччи сягатамуш олмэ сист.

6. Кось же Исус лая Вифаніест, Семман хуррий пэртест;

7. Пудій сунне ниезан-біель алвастр асьтиин каллэшин мир-вуйин, и валлэдий сунне лешмен ойв эл.

8. Уйиши тан су вопнаттій, и ет саввашешкотманч, и сарнуш: мэн дет могкам анмуш?

9. Ой леччи миккэдь тан мир-вуй шур арвэсьт, и аньтед юммель-нэм-аннэит.

10. А Исус, кось томдэтий тан, цилькій сийт: мэйт сягатеппе ниезан? сон порь туй туй му баяс.

11. Тэн дет што юммель-нэм-аннэит юккъ балъ тийи миейт ліе, а мон им-лякку юккъ балъ тийи вуйм.

12. Кось валэй таи мир-вуй му лешкэ эл, сон валлэшестій му руккэдуммуже.

13. Вуйкист тийит сарнам: косьт и ленч тат Евангели сагатаманч омп эльмест, цялкаманч ленч су мушьтме и тэн баяс, мэйт сон туй.

14. Танна эхт кохтамлога сист, нэм мельт Іуда Искаріот, ваньцелій шоремус папэ гарра,

15. И цилькій: мэйт тий аньтветте мунне, мон

тійит су андам? Сій таррашешкуттиш сунне колм лог силп-пилшіит.

16. И тэн балест сон одзэй порьмус баль энътед су.

17. А вус реск-пейв, пугтиш вопнаттій Исуссе, цилькиш сунне: қосьт пакак мійит валлэшет тунне Едже-пейв?

18. Сон цилькій: ваньцед вен сиз мокме, целькед сунне: вопестій сарн: му баль ли эльт; ту гарьн туйям Едже-пейв му вопнадій-вуйм.

19. Вопнаттій туйиш, махт пакэй сійит Исус; и валлэшиш Едже-пейв.

20. Кось же шэндэшкудій еккис-пейв, сон вэнлэдэй кохтамлогь вопнадэй-вуйм.

21. И кось сій порриш, цилькій: вуйкист сарнам тійит, эхт тій кэскест ант му.

22. Сій чотта лосьвудэшкуттиш, и алгэтиш сарнэд сунне, іоксэнч сист: имма мон, Господи?

23. Сон же цилькій воста: кобэнч муйн лощт кидэ іод сиз, тэт ант му.

24. Я нуть ман олмэ эльк, махт ли кирьятманч су баяс: а кэврь тэн олмэдже, кобэнь олмэ эльк энтлат; поряп леччи тэн олмэдже шэндеканна.

25. Тэн баль и Іуда, су эньтій, цилькій: имма мон, Равви? Исус сарн сунне: тон цилькик.

26. И кось сій порриш, Исус вальдій лейб, лаословэй, мурьтлій, эньтлій вопнаттиит, цилькій: вальтед, порред; тат ли му лешкь.

27. И вальдій напъ, пасьбужій, кейкій сійит, и цилькій: юккэд су сист пук;

28. Тэн-дет што тат ли му вэр од завет, еннэги-дет валлэтаманч, рехкит куддэсталме.

29. Цялкам же тійит, ангенч раест им альгь

юккэд тан вин-мурь-шэнтмест тэн пейв райя, кось алгам тийи-вуйм юккэд од вин му едж царвудэ сист.

30. И кось лавлэтиш, вулькиш Елеон термь эл.

31. Танна сарн сийит Исус: пук тий ряхкдув-ветте му баяс тан ин; тэн-дет што ли кирьетам: так-лам варредий, и ратькедэдет туж лампаз.

32. А мон иджан пайенам баяс сагэтам тийит Галилеест.

33. Педар цилькйй сунне воста: ленджет пук ряхквудет ту баяс, мун им ряхкэдед ни кось.

34. Исус цилькйй сунне: вуйкист сарнам тунне, тан ин, эвд-белт кон орес-кань лэҗкйй, колмэшит сарн-дэдак мусьт.

35. Сарн сунне Педар: леччи мунне галгэч и яммед туйн: им сарндэд тусьт. Эвт налла сарнуш и пук вопнаттйй.

36. Маҗна дест поттал сийи-вуйм Исус сайя, сарнтаманч Гефсиманя, и сарн вопнаттит: аррэстекке тасьт, кон мон волграм, айестастам томбе.

37. И вальдйй мельдес Педар и кухтэд Зеведей эльгит, лосьвудешкудйй и тужэшкудйй

38. Танна сарн сийит Исус: му иҗк лосьвудуш сорьм налла; ворьтлеккед тасьт, и валвэдекке муйн.

39. И ваньцласьтйй кряха чорлакше, вэнлэдйй иджес мод эл, айестйй и сарнэй: ечча му! леччи оям налла, ань ман рай му тат напь: а ий нуть махт мон татам, но махт тон.

40. И потьтал вопнаддэй гарра, и кавнач сийит уодьмен, и сарн Педре: нуть ешпед вайеманч валвдед эвт қас муйн?

41. Валвэдекке и айестекке, тэн-дет што еше вирэчи кутталмуже. Вуйҗ валв, а лешк поад.

42. Вял уйтластйй нумб вар, аестйй и сарнэй: Ечча му! леччи ий вай тат напь мэннэд рай му, му югьянна, ань ленч ту валт.

43. И кось пудій, кавн сійит дас уодьмен: тэн-дет што сист чельм лосниш.

44. И кудій сійит, уйдій дас, айестасьгій кол-мат вар, и цилькій тэн же сань.

45. Танна потьтал иджес вопнадій гарра, и сарн сійит: тій пай вял одьветте и оҗәдеке; кич, алт-нашкудій цас, и олму эльэ энтлат ряхк-олмэть кидэть.

46. Көццәеке, ваньцлеккеп: кич, алтний му эньтій.

47. И кось вял сон сарнэй, кич, Іуда, эхт кох-тамлога сист, пудій, и суйн еннэгь олмэть микки-вуйм и чолтни-вуйм шорьмус папәнъ и олмэ паррасамужәнъ.

48. И су эньтій эньдій сійит теттед, цилькій: кон мон цуклам, тэт и ли, вальтед су.

49. И тэн цас пудій Исус гарра, и цилькій: рамшэд, равви! и цуклатгій су.

50. А Исус цилькій сунне: пась-виль, мәнъ-дет тон путтик? Танна путтиш, и пийиш кидэть Исус эл и вальтиш су.

51. И кич, эхт сист, кок лейиш Исусәнъ, вуйкій кид, кизій иджес мекь, чицкій шорьмус пап накалдас, и чупэй сусьт піель.

52. Танна сарн сунне Исус: пій мазать иджат мекь су сайя; тэн-дет што пук, кок вальдет мекь, мек-кин майкәет.

53. Или іордак, мун им вай ань айестаттед му Еччан, и сон пей му эвте енап кохтаплогит леҗионит аньгелит?

54. Махт ерес налла шәндәчәдет кирь, што нуть гәлк ляй?

55. Тэн цас цилькій Исус олмэть: нуть махт олму-коньтій эл вульгин тій миккій-вуйм и чолтний-вуйм, му вальтем баяс; юккә пейв тийи-вуйм аррум мон, воцестемен церквест, и тій еппед валтлам му.

56. Тат-же пук ляй, што шэндэчиш пророки кирьы. Танна пук вопнаттій куддиш су, и урьчиш.

57. А Исус вальтій викиши су Кайяфе, шорьмус паше, коз чоґкдэттиш кирь-кидэ и парсамуз.

58. Педар же ваньцелій су мелът вукелдагэсът, шорьмус пап двор райя; и чаґґэлій сиз, и иштій пакалдзэ-вуйм, што уйнэчий кедже.

59. Шорьмус пап и парсамуз и пук синедрион*) оцдиш келлес-сагэть Исус воста, су сарма эньтем баяс;

60. И ет кавнманч: и, хоть еннэгь келлес-сарнэит потлиш, ет кавнманч. Но маимуссе путтеш кохт келлес-сарнэй.

61. И цилькиш: Сон сарнэй: вайам мурьтед Юммель церков, и колмэнь пейвест туйед су.

62. И чунчдэдий шорьмус пап и цилькій Сунне: мэнь-дет ик сарн ни мэн? мэйт сій ту воста сарнадет?

63. Исус арій инта. И шорьмус пап цилькій сунне: пагам тунне иллий Юммелин, цельк мийит, тон льяк, ик Христос, Юммель эльк?

64. Исус сарнэй сунне: тон целькик; я сарнам тийит: ангенч раест уйнветте олму эльк иштмен воллес-бельт вигэ, и потьмен эльм пэловэ эльн.

65. Танна шорьмус пап кешкгий иджес асгит, и цилькій: сон Юммель хавк; мэз мийит вял саг-олмэть? Кич, ань тий куллэнь су Юммель-хавемуш.

66. Махт тийи мелът ли? Сій же цилькиш воста: сэрма ли вер.

67. Танна чоґгуш сунне мод воста, и пельмантэге такгуш; а моттам пяґкэстэш су кайбэ воста,

68. И сарнуш: арьвед мийит, Христос, ки таклий ту?

*) Элмус сут.

69. Педар же арий олгэлът дворест; и пудий сунне эхт незан-пакалдас, и цилькый: и тон леик Исусэнь Галилейланджиң.

70. Но сон пацдэдэй пукэдь пут, цилькый: им тед мэйт тон сарнак.

71. Кось же сон вульгеш кудий увзэ токка; уй-нистий су нумп, и сарн томб аррият: и тат ляй Исусэнь Назореин.

72. И сон дас пацдэдэй божьдэтмэнь, што ий тед тан олмэ.

73. Ий еннагь маньлагэсьт потлиш, кок томб чуньчип, и цилькиш Педре: вуйкест и тон ляк сист; тэн-дет што и ту сарнам-наль чоят ту.

74. Танна сон клендадэшкудий и божьдадэшкудий, ий гол тед тан олму. И ахтэн лавлэшкудий орес-кань.

75. И муштлий Педар сань, кон цилькый сунне Исус: эвд-белът кон лавл орес-кань, колм варра пацдэ-дак мусьт. И вульгий олгас, и лойкэй чотта.

Жохт-логь виджат алгтэс.

Кось же пудий идес-пейв; пук шорьмус папэ и паррасамужэ олмэнь сарндэттэш Исус баяс, энътед су сэрма.

2. И корриш су, викиш и энътиш су Поньтий Пилате ольтие.

3. Танна Гуда, су энътий, кось уйний, сон ли судманч, кайдадэшкудий, и энъдий мазать колм логь силл-пильпиит шорьмус папэть и паррасамужэть.

4. И сарн: мон ряхкадэм, кось энътем веретемес вэр. А сий цилькиш сунне: ми мийит ли туй тэн райя? кич ич.

5. И сунпий сон силп-пильпийт церква и вэйдэй; мэнэй, и какхсэдэй.

6. Шорьмус папэ вальтиш силп-пильпийт и цилькиш: елля пакманч пийид сийит церков кашнь сиз; тэн-дет што тат ли вэр арв.

7. А пийиш сарндэтмуш, и усьтиш сист кеткь-асьтгий чепсест манд, верес олмуь руккэдем варас.

8. Тэн-дет тэт мант и нэмэдат вэр мандэнь, тан пейв райя.

9. Танна шэндэй сарнтамаш пэйель пророкь Иеремий, кобэнч сарн: и вальтиш колм логь силп-пильпийт арвэдам арв, кон Израиль эльгь арвэдэшь,

10. И энътиш сийит кеткь-асьтгий-чеп мандэст, махт цилький мунне Юммель.

11. Исус же чунчлэтгий ольтгий эвте, и кэчлий сусьт ольтгий: Тонна льяк Гудей цар? Исус цилький сунне: тон сарнак.

12. И кось шорьмус папэ и парсамузэ веретиш су, сон ий сарнманч ни мэн.

13. Танна сарн сунне Пилат: ика кул, момет свидетельвут сарнэть ту воста?

14. И сон ий нэмэдаманч сунне ни эвт сань вусьте, нуть што ольтгий чотта дивьюжэй.

15. А Едже-пейв пэсь-пейв ольтиест льяй маттэямналь луптлед олмэть эвт арьстант, кон сий таттуш.

16. Льяй танна сист тетманч арьстант, нэм мелът Варавва.

17. И нуть, кось сий чофкдэтиш, Пилат цилький сийит: кон татветте, штоб мун лоштэчим тийит, Варавва, или Пус, кобэнч нэмдат Христэн?

18. Тэн-дет што сон тидий, сий энътиш су завидутмуж-дет.

19. Кэскэль тэн, кось сон арий суддам саест, су

кав вулгэгий сунне целькед: ель туйед ни мэйт тэн вуйк-олмже; тэн-дет што мунне ань нахкрест чотта лый лоссэд су баяс.

20. А шорьмус папэ и парсомузэ пайидиш олмэть кэччед Варавва, а майкэд Исус.

21. Танна ольтій кэчьлій сист: кон котест татветте штоб мун лоштачим тийит? Сій цилькиш: Варавва.

22. Пилат сарн сийит: мэн шэт мун туйям Исусе, ку нэмдат Христэн? Сарнетъ сунне пук: ань ленч поаннашаманч.

23. Ольтій цилькй: мэньтем кяхивуд сон туйй? А сій вял чотяп чурвуш: ань ленч поаннашаманч.

24. Пилат, кось уйнй, што ий векеет ни ми, а сягатамуш ласнат, вальдй чадзь, и пэээй кидэть олмэ пут, и цилькй: им мон лякку верь тан вуйк-олму вэрест: киччед тй.

25. И сарнуш пук олму воста, и цилькиш: су вэр мй эл и мй парнэ эл.

26. Танна луштй сийит Варавва, а Исус сон тагей, и энъдй поаннашемме.

27. Танна ольтй вуччй вальтиш Исус преторй сиз, и чулкиш су эл пук полк.

28. И яксиш су, и цаекиш су эл рупсес ассэгь.

29. И парькедиш венц цокгэй разест, пийиш сунне ойв эл, и энътиш сунне воллес китте трост-разь; и чунчлэттиш су воста пулвэ эл, лоньдэттиш су эльн, сарнэть: рамшэд Иудей цар.

30. И чолкуш су эл, и вальтиш трост, и такуш су ойв вусьте.

31. И конь лоньдэттиш су эльн, яксиш су эльн рупсес ассэгит, и тевванаттиш су су ассэге, и лайтешкуттиш су поаннашемме.

32. Кось вэйтэш, воста пудій эхт Кирине-олмэш, нэм мелът Семман; су паккэстэш куньтед су рист.

33. И кось пүттиш пайка, нэм мелът Голгофа, м и ли: Кал-сай,

34. Эньтиш сунне юккэдь уксуз, сягэтаманч сеппэнь, и кось күттэлэй, ій татмэнч юккэдь.

35. А су поаннашэттэй іюккиш су ассэгит, и соппуш вурьбит;

36. И арруш, вартыш су томбе;

37. И пійиш су ойв эл кирь, косьт лай су верь кирьтаманч: Тат ли Иус, Іудей цар.

38. Танна поаннэшиш суйн кохт олму-коньтіит: эвт воллес-белът, а нумп чиндж-белът.

39. И рай-мэннэй хавкиш су, кейвиш иджес уйви-вуйм,

40. И сарнуш: церков муртлэттэй и колмэнь пейвест түйелатгій! Веккет ич ичсант. Ленджак Юм-мель эльк, луштлад ристэст.

41. Нуть шэт и шорьмус папэ кйрь-киди-вуйм парсамужэ-вуйм и фарьсей-вуйм лоньдэттиш и сарнуш

42. Нумбит веккигій, а ич ичсес ій вай веккетед. Ленчи сон Израил цар, ань ань лоштлат ристэсьт, и аскэшкоттеп сунне.

43. Пійидэдэй Юммель эл; ань ань пьаст су, ленчи сон шиттель сунне. Тэн-дет што сон цилькйй, мон лям Юммель эльк.

44. Нуть-же и олму-коньтій поаннашамэж суйн, лайтуш су.

45. А кудат цассэст лай севнь пук мандэ эльн авцат цас райя.

46. А авцат цас баль лэңкйй Иус пор иңңэнь: Илі, Илі! ламá савахфани? тэт ли: му Юммель, му Юммель, мэн-дет тон му куддик?

47. Моттам сист, кок томб чуньчуш, кось кул-
лиш тан, сарнуш: Иль коч сон.

48. И товда урчэстий эхт сист, вальдйй мер-
сопт, тивдэтий укүсээн, пийй трост кечча, и эньтлий
сунне юккэдъ.

49. А моттам сарнуш: арест; кичстеп, пот, ий
Иль су пьастед.

50. Иусе же чурьвий дас шур итqэнь и лүсьтий вуйq.

51. И кич, завес церквест кешкэдэйдй кувтен,
пайлест и вол райя, и мант пуштладэйдй, и кеткь лунт-
ниш;

52. И яммий коть авниш; и еннэгь пэсь ямми
лишкит пайнэш;

53. И вэйтиш яммий кодин маqа су пайнамэсьт,
и мэнниш пэсь венна, и чойетэттиш еннэгит.

54. А чотьник и тэк, кок суйн вартэиш Иусе,
кось уйниш мандэ-пуштмуж и пуь шэндачамуж, сурк-
ниш чотта, и сарнуш: вуйкист сон ляй Юммель элькь.

55. Томб лейиш нуть-же, и киччиш олгэ-гарьн
еннэгь ниезанэт, кок ваньдзетип Иусе мельт Галилеест,
и лужжиш сунне.

56. Сий кэскэст лейиш Марь Магдалина и Марь,
Якку и Юсия ень, и Зеведей эльгий ень.

57. А кось пудий еккис-пейв, пудий бохтес ол-
мэш Аримафеест, нэм мельт, Оськь, кобэнч нуть-же во-
пестадайдй Иусе лунь.

58. Сон пудий Пилат гарра, и аннэй Иусе лешкь.
Танна Пилат пакэй эньтед лешкь.

59. И вальдйй Оськь лешкь, и кизэй су путтес
лийнэнь.

60. И пийй су иджес од яммий кодь сиз, ку сусьт
ляй чупманч каллий сист, и юррэтйй шур кеткь яммий-
кодь ухсе, и уйдйй.

61. Ляй же томбе Марь Магдалина и нумп Марь, вок арруш яммй кодъ воста.

62. Нумб пейв, ку ли маџа пятницест, чоџк-дэттиш шорьмус папэ и фарисей Рилат луз,

63. И сарнуш: хер! мй муштъм, тэт келес, кось вял ляй иллий, цилькй: мяџа колмэн пейвест пайинам.

64. Тэн-дет, паџ руккэдед яммй-хавт колмат пейв райя, тэн-дет што су вопнаттй ет лейиш поттед, и соллэдед су, и сарнэд олмэнь: сон пайинэя яммй кэскест. И лянч маџмус мантамуш кяхнап вусмуз.

65. Пилат цилькй сйит: тист ли вартьям-наль; мэннед, вартьеккед махт тетветте.

66. Сй вулькыш, и пйиш калъм луз вартэит, и пйиш кятка печат.

Кохт-логъ кавцат алгтэс.

А маџа суввет мэнмест, кось нетлест вус-пейв чувван, пудй Марь Магдалина и нумп Марь кичстед яммй хавт.

2. И кич, шэндэй шур манд-пуштмуш; тэн-дет што Юммель Ангель луштлэдэй эльмест, пудй и юртй кеткъ хавт увс-няльмест, и арэй су эльн.

3. Сусьт ляй уйнем-наль махт термес-каск, и су ассэџ лейиш вилкэд кохт мут.

4. Вартый суркениш су и торьесташеуттиш, и чунчилиш махт яммй.

5. А ангель поньлий сань незэний гарра, цилькй: еллед пэл: тедам, што тй оцветте поаннашам Исус.

6. Сон елляк тасьт: сон пайинй, махт цилькй. Мэннэд, кичстекке сай, косьт Юммель вэннэй.

7. И мэннед тодяп, целькед су вопнадэит, што сон пайиний яммин, и эвд-белът цялк тийит Галилеест: томб су уйнветте. Киччед, цильким мон тийит.

8. И товда вэйтиш яммй-кодест и пэлмужэн и шур раммэнь урчестиш целькед су вопнаддэит.

9. И кось сій ваньциш целькед су вопнаддэит, кич, Исус пудй сийит воста, и цилькй: рамшэтте! И сій путтиш, таввэтэттиш су юльгит и коммердиш сунне.

10. Танна сарн сийит Исус: еллед пэл; мэннед, целькед му вильлижин, штобы ваньцетиш Галилее: и томбе сій уйнелет му.

11. А кось сій ваньциш; танна моттам вартэин мэнниш венна и сарнатыш шорьмус палэты пук ми ли ляманч.

12. И талаяк чофедэттиш паррасамужэ-вуйм, и туйиш сарндатмуж, и еннэгь энътиш тефкит вуччит.

13. И цилькиш: целькед, су вохпнаттй путтиш ехва, и солдиш су, кось мй уддим.

14. И ленчи саж тан баяс ман ольгй райя, мй сарнатеп су, и тийит вежкетеп кяхнвудест.

15. Сй вальтиш тифкит, туйиш, махт вопестам лейиш; и кундэчэдй тат сак Гудей кэскэст тан пейв райя.

16. А Эхтаплогь вопнадэит ваньцлиш Галилее, терм эл, коз пакэй сийит Исус.

17. И уйнестиш су, и коммердиш сунне; а моттам юрьтлаштиш.

18. И алтнй Исус, и цилькй сийит: мунне ли антманч пук валт эльмест и мандэсьт.

19. И нуть, мэннед, вопестеккед пукэты олмэты и ристэды сийит Едж, и эльгы, и Пэсь Вуйф нэмме,

20. И вопестекке сийит нуть еллед, махт мон тийит паккум; и нуть мун лям тйи-вуйм пук пейвид ег кедж райя. Аминь.



1. The first part of the document is devoted to the study of the general principles of the theory of the function of the variable x . It is shown that the function $f(x)$ is continuous at the point x_0 if and only if for every $\epsilon > 0$ there exists a $\delta > 0$ such that for all x satisfying $|x - x_0| < \delta$ it follows that $|f(x) - f(x_0)| < \epsilon$.

2. In the second part of the document the properties of the function $f(x)$ are studied. It is shown that if the function $f(x)$ is continuous on the interval $[a, b]$ then it is bounded on this interval and attains its maximum and minimum values.

3. The third part of the document is devoted to the study of the properties of the function $f(x)$ at the points of discontinuity. It is shown that if the function $f(x)$ has a jump discontinuity at the point x_0 then the limit of $f(x)$ as x approaches x_0 exists but is not equal to $f(x_0)$.

4. In the fourth part of the document the properties of the function $f(x)$ are studied. It is shown that if the function $f(x)$ is continuous on the interval $[a, b]$ then it is uniformly continuous on this interval.

5. The fifth part of the document is devoted to the study of the properties of the function $f(x)$ at the points of discontinuity. It is shown that if the function $f(x)$ has a removable discontinuity at the point x_0 then the limit of $f(x)$ as x approaches x_0 exists and is equal to $f(x_0)$.

6. In the sixth part of the document the properties of the function $f(x)$ are studied. It is shown that if the function $f(x)$ is continuous on the interval $[a, b]$ then it is differentiable on this interval.

7. The seventh part of the document is devoted to the study of the properties of the function $f(x)$ at the points of discontinuity. It is shown that if the function $f(x)$ has a jump discontinuity at the point x_0 then the limit of $f(x)$ as x approaches x_0 exists but is not equal to $f(x_0)$.

8. In the eighth part of the document the properties of the function $f(x)$ are studied. It is shown that if the function $f(x)$ is continuous on the interval $[a, b]$ then it is uniformly continuous on this interval.

9. The ninth part of the document is devoted to the study of the properties of the function $f(x)$ at the points of discontinuity. It is shown that if the function $f(x)$ has a removable discontinuity at the point x_0 then the limit of $f(x)$ as x approaches x_0 exists and is equal to $f(x_0)$.

10. In the tenth part of the document the properties of the function $f(x)$ are studied. It is shown that if the function $f(x)$ is continuous on the interval $[a, b]$ then it is differentiable on this interval.

8